

DISSERTATIO INAUGURALIS JURIDICA  
DE  
**CONCUBINATU,**

QUAM  
RECTORE MAGNIFICENTISSIMO,  
SERENISSIMO PRINCIPE AC DOMINO,  
DOMINO

**FRIDERICO WILHELMO,**  
PRINCIPE BORUSSIÆ, MARCHIONE BRANDENB.

RELIQUA,  
AUCTORITATE ET CONSENSU ILLUSTRIS  
FACULTATIS JURIDICÆ.

PRÆSIDE  
DN. **CHRISTIANO THOMASIO,**  
JCTO &c.

FACULTATIS JURIDICÆ H. T. DECANO,  
*PRO LICENTIA*  
SUMMISQUE IN UTROQUE JURE HONORIBUS AC PRIVILEGIIS  
MORE MAJORUM LEGITIME CONSEQUENDIS,

IN AUDITORIO MAJORI  
AD D. VIII. APRIL. ANNO MDCCXIII.  
HORIS ANTE- ET POMERIDIANIS,  
PUBLICO ERUDITORUM EXAMINI SUBMITTIT  
**ERHARDUS JULIUS Riechel,**  
ULMENSIS.

---

HALE MAGDEBURGICÆ,  
DENUO RECUSA MDCCXXVIII.

THE NEW YORK PUBLIC LIBRARY  
ASTOR LENOX TILDEN FOUNDATION  
1215 6TH AVENUE  
NEW YORK 17, N. Y.



DISSERTATIO INAUGURALIS  
DE  
**CONCUBINATU.**

Scopus Dissertationis. I. Me-  
thodus dicendorum. II. Concu-  
binatus Hebræorum ante legem  
licitus. III. Ejusque a matrimo-  
nio differentia genuina. IV. Ra-  
tione concubinatus post legem Mo-  
saicam præmittuntur sex præ-  
supposita. V. Concubinatus con-  
ditio post legem Mosaicam. VI. In  
specie intuitu libertatis dimitten-  
di concubinas. VII. Concubi-  
natus omnis an a Christo & Apo-  
stolis fuerit prohibitus. VIII. Con-  
cubinatus jure Gentium licitus.  
IX. Item & apud Græcos. X. Ro-  
manorum sententia de Concubi-  
natu ante Christianismum in-  
tuitu provincialium, libertarum,  
ancillarum. XI. Intuitu inge-  
nuarum. XII. Concubinatus il-  
licitus si quis jam uxorem ha-  
beat. XIII. Differentiæ præcipuæ

Concubinæ ab uxore justa. XIV.  
Concubinatus Romani honestas  
in comparatione ad concubina-  
tum Hebræorum. XV. Respon-  
detur objectionibus, quasi concu-  
bina sit nomen voluptatis. XVI.  
Durasse opinionem de honestate  
concubinatus etiam apud Chri-  
stianos Imperatores usque ad  
Leonem Philosophum. XVII. Oc-  
casso, qua inceptum fuerit, concu-  
binatum habere pro scortatio-  
ne autoritas patrum ecclesiæ.  
XVIII. Imprimis Ambrosii XIX.  
Hieronymi XX. Potissimum ve-  
ro Augustini. XXI. Non ta-  
men mox in Ecclesia ante Novel-  
lam Leonis recepta. XXII. An  
post Novellam in Imperio Occi-  
dentali recepta fuerit, jure Ci-  
vili vel Canonico, dubitatur.  
A XXIII.

XXIII. *Licentia concubinitus sub Imperatoribus Germanis.*

XXIV. *Rationes contra licentiam concubinitus.* XXV. *Rationes pro licentia concubinitus.*

XXVI. *Vera ratio concubinitus tamdiu tolerati lascivia cleri Pontificii.* XXVII. *Primus in*

*ter Pontifex Leo X. initio seculi decimi sexti concubinitum prohibuit astute magis quam serio.* XXVIII. *Postea in ordina-*

*tione politica 1530. eadem prohibitio sed frigide nimis repetita*

XXIX. *Nec initio reformationis concubinitus omnis pro turpi habitus.* XXX. *Exemplum illustre concubinitus liciti adhuc*

*in medio seculi decimi sexti.* XXXI. *Paulo post concubinitus in Concilio Tridentino pro-*


*hibitus, & a Francisco Hotman-  
no oppugnatus.* XXXII. *Es in ordina-*

*tione politica 1577. prohibitio repetita* XXXIII. *Ab illo tem-*

*pore concubinitus apud nos illicitus.* XXXIV. *Ufus Dissertationis presentis.* XXXV.

## §. I.

*Scopus Dissertationis.*



Non est animus defenderelicentiam (a) Concubinitus, nec impugnare leges hodie receptas concubinitum sub pœna prohibentes; saltem id ostendemus, concubinitum nec ad fornicationis, nec ad stupri, nec ad adulterii genera olim tam apud Hebræos, quam apud Romanos, etiam in primis seculis Christianæ religionis, pertinuisse, sed inter concubinitum & matrimonium aliquam quidem, verum exiguam fuisse differentiam, quod vero hodie pro stupri, aut fornicationis, aut adulterii specie habeatur, ejus originem deberi juri Canonico, (b) & ex parte (c) hypothefi juris Pontificii a Protestantibus jure optimo maximo negatæ, (d) quod matrimonium sit sacramentum.

a) Licentia duplex est, alia externa, alia interna. Illam voco, cum

cum quis agere potest efficaciter sine metu poenæ; vel nullitatis, aut ignominia. Hanc, cum quis agere potest sine læsione virtutis & honestatis ex lumine rectæ rationis deducenda. Unde facile patet, licentiam hanc duplicem non continere quidem species ubique oppositas, quales sunt v.g. homo & bestia, sed separabiles tamen, quales sunt v. gr. multæ divisiones juridicæ & morales, v.g. obligationis in externam & internam, actionis in rei persecutoriam & poenalem &c. Ita v. gr. in testamenti factione concurrere possunt licentia externa & interna. Ita licentia externa potest esse sine licentia interna, v. gr. si quis sine læsione præceptorum justitiæ violet leges decori & honesti, quo pertinet vulgare dictum: non omne quod licet, honestum est. Ita denique licentia interna potest esse sine licentia externa, v. gr. si quis testamentum faciat sine requisitis testamenti receptis. Huc respexit etiam versiculus vulgatus, *omnia cum liceant* (extrinseca licentia, etiam parum honesta, *non licet esse pium*) cum tamen pietas haud dubie ad licentiam internam pertineat, vera scilicet & rationalis non fucata. Ostendit autem contextus, quod nolumus defendere licentiam concubinitus externam, etsi subinde in ipsa dissertatione examinaturi simus rationes communes, quæ afferuntur, etiam a nostratibus, contra licentiam concubinitus internam. Multa enim, quæ abstrahendo a legibus civilibus, intrinsece licent, non minus recte legibus civilibus sunt interdicta, e. g. matrimonium sine benedictione sacerdotali.

- b) Juris Canonici voce hic paulo latius utor, pro omni jure, quod originem debet Patribus Ecclesiæ, vel Episcopis, & eorum doctrinæ, hypothesibus & consiliis, etiam si id a principibus Christianis per modum legum & constitutionum imperatoriarum sit publicatum, quale jus passim extat in Codice, tam Theodosiano, quam Justiniano, (& hujus intuitu in prioribus titulis libri I. Codicis,) item in Novellis Leonis & aliorum Græcorum Imperatorum. Quatenus enim jus Canonicum stricte sumitur pro eo jure, cujus hodie doctores creamus, ex infra dicendis

cendis patebit, id sibi non constare, ac intuitu concubinatus & ejus licentiz sibi aperte contradicere.

c) Dico ex parte. Nam confusio ista concubinatus cum stupro, scortatione, adulterio haud dubie antiquior dogmate de Sacramento matrimonii. Confer interim de origine doctrinæ de septem sacramentis Ziegl. *ad Lancel. lib. 2. tit. 1. §. 2. p. 301. in fine.*

d) Non tamen propterea quisquam arbitretur, quod male cohaereat doctrina nostra, dum diximus, nos nequaquam impugnatuos esse leges hodiernas, concubinatum sub pœna prohibentes, cum tamen hic statim subnectamus, earum originem vitiosam esse. Ergo videri priorem assertionem non esse seriam, sed latere anguem in herba &c. Sed facili ad eam objectionem erit responsio. Non omne, cujus origo vitiosa, ipsum vitiosum. Pluræque formæ vestimentorum, maxime mulicbrium, ambitioni, luxuriæ vel stultitiæ originem debent, propterea tamen non putandum, quod vir sapiens sine vitio ejusmodi vestimentis uti non possit. Imo quotidiana testatur experientia, eos & eas, qui quæve in emendatione vestimentorum initium sapientiæ, vel plane criterium sanctitatis quærunt, egregie falli, cum ista affectatio non raro ex occulta quadam vel ambitione vel avaritia originem ducat. Sed, ut etiam exemplo alio propius ad thema nostrum accedente sententiam nostram illustremus: v. gr. necessitas benedictionis sacerdotalis in matrimonio legitimo haud dubie pariter originem debet hypothese doctrinæ Pontificiæ de sacramento matrimonii. Propterea tamen non solum recte Principes Protestantes hanc necessitatem hujus benedictionis retinent, sed & imprudenter ageret, qui Principi Protestanti suadere veller, ut necessitatem illam lege publica abrogaret, etsi quibusdam in locis Evangelicæ religionis illa certo modo sit abrogata. Vid. Sim, a Leewen *Censur. Forens. L. 1. c. 14. n. 1. 3. 5 7.*

## §. II.

Ac ea quidem methodo utemur, ut nec nimis *Methodus dicendorum.*  
 anxia collectione eorum, quæ ad scopum nostrum faciunt, terminos dissertationis Academicæ transgrediamur, (a) nec superficialia etiam tractatione tadium paremus Lectori. Igitur initio Legis Mosaicæ sententiam de concubinato & materiis affinis exponemus. Tum obiter tactis moribus Græcorum & aliorum populorum sententiam legum Romanarum tam ante, quam post susceptam religionem Christianam exhibebimus, earumque differentiam a concubinato Hebræorum ostendemus. Porro originem & progressum concubinatus interdicti summam trademus, ac denique de usu dissertationis præsentis pauca monebimus.

- a) Neque enim tempus nobis superest, eam inquisitionem ac collectionem institui. Et si maxime superesset, postulat rerum collectarum ordinatio ac explicatio adhuc longius temporis spatium, & sic loco disputationis integrum volumen essemus exhibitori.

## §. III.

Quod igitur Hebræos (a) attinet, ante omnia videndum, quomodo ante legem Mosaicam concubinatum constituerint. Ubi nullum est dubium, inter matrimonium & concubinatum exiguum fuisse differentiam, cum & polygamia & divortia, (b) imo etiam ipsi innuptarum concubitus extra matrimonium, vel libidinis vel mercedis causa, prolicitis fuerint habiti. (c). Quare tunc concubinatus erat conjunctio facile dissolubilis maris etiam uxorem jam habentis (d) & scemina (e) absque affectione maritali (f) liberorum procreandorum causa. (g).

- a) Primario hic utemur textibus Scripturæ Sacræ. Rabbinarum tradita, quæ magna diligentia collegit Seldenus in libris

partim de jure Nat. & Gent. sec. discipl. Hebr. partim de uxore Hebraica & de successionibus, parum curabimus, sicutamen, ut ea non prorsus negligamus, quatenus videlicet rectæ rationi & Scripturæ Sacræ non repugnant.

- b) *Matrimonium ex jure, quod Ebraei vocant naturalis, erat viri & feminae sive unius sive plurium feminarum tam ex concubinato, quam ex consensu praeunte conjunctio, vitæ consuetudinem continens. Non adjiciunt individuum, quod Christiani habemus in matrimonii definitione. Neque enim separari aut dividi negabant conjuges, seu matrimonium dirimi, nisi ex singulari aliqua legis permissione, seu repudii causa neque communis consensus necessarius erat, ut dirimeretur. Neque individua dici potuit vitæ consuetudo, quæ a quo jure a marito pluribus communicaretur, &c. Seldenus de J. N. & G. Sec. disc. Hebr. lib. 5. c. 7. ab initio. Eadem est sententia Grotii de J. B. & P. L. 2. c. 5. §. 8. Conjugium naturaliter esse talem cohabitationem, (intellige concumbendi & liberorum causa initam,) quæ foeminam constituat quasi sub oculis & custodia mariti, cum accessione fidei, qua se foemina mari obstringat. Scio equidem, communiter impugnari hanc Seldeni & Grotii sententiam, sed rationibus parum firmis, vel jus naturale cum positivo confundentibus, vel falsas aut dubias Rabbiorum vel cleri Pontificii hypotheses fundamenti loco supponentibus. Abstrahendo enim a lege positiva omnes societates naturales omnibus gentibus communes finibus differunt, adeoque fines cujusque societatis particulares iis formam dant & essentiam. At matrimonii finis ex communis etiam consensu est procreatio sobolis. Ergo etiam ad societatis conjugalis essentiam nihil amplius requiritur, quam utriusque sexus conjunctio, conjuncta cum vitæ consuetudine ad obtinendum hunc finem directæ, quod etiam volunt Seldenus & Grotius. Etsi autem Dn. Præses in Fundam. J. N. & G. docuerit, debere etiam in matrimonio procreationem sobolis esse decoram, cum tamen decorum, etiam naturale, non in puncto consistat, sed varios gradus sub se contineat, cavendum*



dum simul est, ne, si locietas aliqua pro fine habens procreationem sobolis, sit minus decora, quam altera, ea pro injusta aut indecora vel turpi statim habeatur, sed saltem pro minus perfecta aut minus decora.

- c) *Feminam, cui potestas erat sui & dominium, id est innuptam sui, in aliquam concubitus vicem, sine consensu in vita communione, copiam, ante legem Mosaicam licite ajunt permisisse, seu locasse, aut se sic tradidisse, ut pro breviusculo ejusmodi amplexuum momento sive amice, sive meretricis, modo neutra earum alteri nupta esset, sive locationem traditionemve aut concumbentis possessionem concederent, aequae ac cujusque alicujus rei mancipii locationem usum fructumve, Seldenus de J. N. & G. S. D. H. l. 5. c. u. p. m. 575 ubi etiam cum in finem citat Ambrosium lib. 1. de Abrahamo c. 4. qui tamen jam non est ad manus. Adducitur etiam ad hujus sententiae illustrationem historiola de Juda & Thamar ex Genes. XXXIX. p. 14. seq. Et quamvis eidem ob stare videatur poena capitalis, qua Judas Thamar punire voluit, ipse tamen Seldenus alibi d. tract. lib. 7. c. 5. p. 851. respondet, eam poenam non ex jure naturae aut lege Noachidarum, sed ex jure civili seu positivo sive a Juda Principe sive aliter superinducto esse derivandam. Quae tamen responsio minime satisfacit. Si enim Rabbin, dum docent, ante legem Mosaicam concubitum libidinis causa vel data mercede licitum fuisse, loquuntur de licentia interna, eorum sententia aperte falsa est. Si vere loquuntur de licentia externa, non tollitur istud dubium per istam responsionem, partim quia manet obiectio, concubitum Thamaris non fuisse licitum, quia fuerit punibilis, (etiā si ex lege civili) partim, quia nulla poenae determinatio fuit ex jure naturali, sed omnis juri civili ortum debet. Ergo mallem respondere, Judam ex iracundia praecipitantia sine regulis justitiae dictitasse illam poenam nurui, postea vero sedato affectu errorem a se commissum agnovisse. Conf. Cleric. in notis ad Genes. Cap. XXXIX. Unde fabula haud dubie est, dum dicunt, Thamarē absolutam esse ex voce coelesti, quam Bar*

*Col*

*Col seu filiam vocis nominant, cujus mentionem facit Seldenus d. p. 851.*

- d) Cum vero legitima uxor consensu praecunte, eoque concubitu confirmato, in vita consuetudinem acciperetur, pluresque ita simul possent rite haberi, cumque matrimonium, pro alterutro conjugis arbitrato, nunquam non esset, etiam sine libello (ante legem) solvendum; sequitur, concubinam, quae item in concubitu & vita consuetudinem aequae adscisci soleret, nec leviori divortii genere disjungi posset, aut nominatenus duntaxat, aut saltem dignitatis minoris, (ubi v.g. ancilla esset, aut generis obscuri) ratione ab uxore discrepasse; jugalem vero contractum nodumque utrique eundem ipsum fuisse. Seldenus d. Tract. l. s. c. 7. p. 592. seq. ubi & statim ostendit, concubinas etiam promiscue dici uxores a Philone, Augustino, aliis.
- e) Ut patet exemplo concubinarum Nachoris, Abrahami, Jacobi Genes. XXII, 24. XXV. s. XXXV, 22. Conf. Selden. d. p. 592.
- f) Alium tamen maritum non habentis.
- g) Per affectionem maritalem hic intelligo communicationem dignitatis, qua maritus pollet.
- h) Ergo tum temporis concubinitus finis non fuit extinctio libidinis, adeoque hoc intuitu concubinitus neque scortationis, neque stupri species fuit: imo & pro adulterio haberi non potuit, quoniam polygamia tum erat permissa.

#### §. IV.

*Ejusque a  
matrimonio  
differentia  
genuina.*

Ergo tum quidem nulla alia inter concubinatum & matrimonium, item inter concubinam & justam uxorem fuit differentia, quam ut iustae uxores participarent de dignitate mariti, concubinae vero essent ancillae vel ex genere obscuro natae.

- a) Repete locum Seldeni ad §. praeced. lit. d. descriptum. Huc pertinet etiam locus Philonis ap. Selden. d. p. 592. Nabor, Abrahamae frater duas habuit UXORES, justam & concubinam. Clericus ad Genes. XXII, 24. Si queratur, quale fuerit concubinarum & iustarum uxorum discrimen, quatenus ex sacris literis

zeris colligi potest, apparet quidem concubinas eodem in honore non habitas. Hagarum nunquam equiparavit Sara Abrahamus, atque ex adibus, hac volente, ejicit. Keturam amandavit etiam cum liberis. Verum quodnam inter utrasque discrimen esset in aliis, non liquet. Rabbinus volunt, concubinas fuisse uxorem servam absque scripto dotali & sponsalibus, cujus libri legatis tantum, nam hereditate fruuntur. Sed ut hac posterioris aevi consuetudine vera sint, certe antiquis temporibus omnia non obtinebant, nam concubinarum filii pariter erant juris, nisi pater nollet. Idque exemplo filiorum, Jacobo ex concubinis natorum, constat. Idem ad Genes. XXI, 10. Confer. Seldenum de J. N. G. & c. d. l. p. 593. & de success. Hebr. in bona def. c. 3. p. 11.

## §. V.

Antequam vero nunc videamus, utrum ratione concubinus per legem Mosaicam aliquid novi statutum fuerit, præsupponendum, quod 1) Polygamia virilis in lege Mosai-  
*Ratione concubinus post legem Mosaicam præmittuntur sex præsupposita.*  
 ca fuerit permixta, aut certe non abrogata, (a) 2) quod intuitu divortii licentia pristina hæcenus fuerit restricta, ut uxori regulariter non permitteretur a viro divertere, (b) marito vero ex justa causa permissum fuerit, uxori dare libellum repudii, (c) 3) quod lege Mosai-  
 ca saltem concubinus cum aliena uxore non vero cum alieno marito pro adulterio fuerit habitus, (d) 4) quod pro stupro fuerit habitus concubitus libidinosus cum virgine vel vidua honeste vivente, nec tamen pœnagraviori coercitus, (e) 5) quod scortatio non foemina, quæ corpore quæstum facit, interdicta quidem fuerit, sed pœnatamen ejus lege determinata non legatur, (f) 6) quod etiam liberi incestuosi & illegitimi parentibus ab intestato successerint. (g)

B

a) Vid.

- a) Vid. Seldenus *de J. N. & G. l. 5. c. 6. p. 585. seq. & de Uxore Ebratica lib. l. c. 9.*
- b) Seldenus *de U. E. l. 3. c. 22. p. 343. seq. junct. cap. 7. circa finem & cap. 19. paulo post initium*, ubi simul tradit exceptiones.
- c) Deuteron. XXIV. v. 1. *seq.* ubi mentio fit rei foedæ seu turpis. De cujus intellectu postea gravis dissensio orta inter sectam Sammazanam & Hillelianam, quam latius exponit Seldenus *de Uxor. Hebr. Lib. 3. c. 18. seq.* Et Lutherus etiam noster reddidit, um irgend einer Ursache willen, quæ erat sententia Hillelis, rejecta tamen a Christo in disputatione cum Phariseis Matth. XIX. v. 3. Interim non contemnenda etiam est conjectura Clerici *ad dict. locum Deuteronomii*. Judæos ante orta dissidia inter Sammai & Hillel in praxi secutos esse sententiam Hillelis, cum nullus fuerit judex constitutus, qui examinaret, an maritus justam causam dimittendi uxorem haberet, nec ne.
- d) Levit. XIII, 20. & XX, 10. Deuter. XXII, 22. videlicet ob toleratam polygamiam virilem. Adde Huberum *in prælect. ad Instit. tit. de publ. Judic. §. 5.*
- e) Deuteron. XXII, 28. Seldenus *de U. E. l. 1. cap. ult.*
- f) De forscortatione prohibita agunt in sacris litteris textus Levit. XIX, 29. de patre filiam prostituentem, Levit. XIX, 9. de com-burenda filia sacerdotis, si scortari cœperit, Deuter. XX, 21. de lapidanda femina, quæ in domo patris scortata, postea nubendo se virginem mentita, ac a sponso virgo non inventa fuerit, Deuter. XXIII, 17. quod non debeat esse meretrix inter Israelitas. Deuter. XXIII, 18. de non inferendo in ædem DEI domo prostibuli. Ceterum dissentiant interpretes, quid in lege Mosaica per meretricem & scortum intelligatur, an in genere ea, quæ corpore quæstum fecit, an in specie quæ intuitu cultus idololatrici corpus prostituit, an etiam illa quæ omnibus promiscue usuram corporis indulsit. Vid. Seldenus *de J. N. & G. l. 5. c. 4. p. 576. seq.* item Clericus *ad citata hæc legis Mosaica*. Et nullum est dubium, Deuter. XXII, 21. per forscortatam in domo patris scortatam, forte etiam Levit. XXI.

9. per filiam sacerdotis scortationi indulgentem, intelligi, non scortationem stricte dictam, quæ stupro opponitur, & publicam corporis prostitutionem supponit, sed foeminam stuprum passam, idque occultantem. Credo etiam, nullum subesse dubium, quod in populo Israelitico non tolerata fuerint lupanaria publica, interim, uti apud Protestantés hodie, ubi etiam lupanaria publica non tolerantur, non desunt tamen foeminae, quæ corpore quæstum faciunt, & cum pluribus pro mercede concumbunt; ita etiam verosimile est, apud Israelitas ejusmodi prostibulorum exempla non defuisse. De horum autem poena nihil determinatum legitur in legibus Mosaicis. Nam textus Levit. XXII, 5. & Deuter. XXII, 22. utpote de casibus plane specialibus loquentes huc non pertinent. Nullum tamen est dubium, quin ejusmodi scorta minimum pro infamibus fuerint habita. Conf. Cleric. ad Deut. XXII, v. 21.

- g) Qui Mamzeres vocabantur. Vid. Seldenum latius probantem successionem liberorum illegitimorum in tractat. de successione in bona defuncti cap. 3.

### §. VI.

His præsuppositis jam quaeritur, an concubinatus etiam post legem Mosaicam in usu fuerit? (a) cum quibus foeminis concubinatus fuerit permissus? (b) & quænam concubinatus a matrimonio & prohibitis concubitus (c) speciebus fuerit differentia, tam ratione formæ (d) quam ratione effectus? (e) Ubi variantibus subinde Doctorum sententiis videtur verosimile, concubinatum non fuisse prohibitum lege Mosaicâ; rariora vero exemplâ in scriptura sacra concubinatus occurrere, adeoque imprimis ante constitutos reges rariorem ejus fuisse usum. (f) Porro pro concubinis usurpatas esse vel foeminas Israeliticas, quæ uxores duci poterant, vel ancillas & peregrinas seu extraneas, quæ Israeliticam religionem non pro-

ſitebantur, etiamſi eſſent proſelytæ domicilii. (g) Haſ vero concubinas nec pro ſtruprais, nec pro meretricibus nec pro adulteris fuiſſe habitas, nec pro juſtis uxoribus. (h) Denique concubinatum a matrimonio juſto ſecretum fuiſſe, quod iterum concubinæ non in pari dignitate fuerint conſtitutæ, ut uxores, & quod concubinatus contraheretur ſine pactis dotilibus & præcedentibus ſponſalibus, aliisque juſtarum nuptiarum ſolennitatibus, (i) cæterum etiam ex concubinis quibuiſvis natos liberos ſucceſſiſſe in bona parentum, niſi patri aliud placuerit; (k) & concubinatum, etiam cum ancilla & extranea, etſi non fuerit laudabilis, fuiſſe tamen impunem. (l)

- a) Rationes dubitandi. 1) Concubinarum nulla mentio in lege Moſaica. 2) Nec ſacra ſcriptura exempla concubinarum inducia ante conſtitutos Reges memorat. Tempore Regum autem conſtitutorum non pauca, etiam ſub primis regibus uſu introducebantur, quæ non adeo convenirent cum lege Moſaica.
- b) Ratio dubitandi. Seldenus docet quidem matrimonium apud Hebræos non fuiſſe cum ancilla, nec cum proſelyta domicilii, imo ne quidem cum omnibus indiſtincte proſelytis juſtitæ, ſi fuerint ex populis, quorum conjugia interdicta erant Iſraelitis; niſi poſt aliquot generationes: ſed tamen an concubinatus cum iſtis perſonis fuerit licitus & impunis, perſpicue non tradit, ſed vel fluctuat, vel rationes dubitandi pro negativa ſupeditat oſtendo, quod ſi non omnes, ſaltem plerique concubitus ejusmodi verberibus fuerint coerciti. Vid. Selden. de J. N. & G. l. 5. c. 4. p. 577. Sc. 12. 13. 14. 15.
- c) Poſſimum a ſcortatione, quam concubinatus cum extranea ſeu gentili pro ſpecie ſcortationis videatur fuiſſe habitus. Conſer Selden. d. lib. 5. cap. 12. p. 641. Unde & mater Jephthæ, quæ videtur fuiſſe concubina, vocatur meretrix. Jud. XI, 2. ſeq.
- d) Tum ratione impunitatis, ubi vide, quæ modo notavimus ſic.  
b. tum ratione licentiæ dimittendi concubinam, an etiam hic juſta

justa divortii causa requisita fuerit, aut minimum solennitas libelli repudii, etiam in dimittenda concubina fuerit necessaria, supposito quod concubinatus fuerit permixtus aut impunis, & quod inter concubinæ & uxoris dimissionem ante legem nulla fuerit differentia. Neque meminerim, hanc quæstionem a Seldeno & Clerico aliisque esse tractatam; tum ratione successionis liberorum ex concubinis natorum, an illi successerint patri nec ne? Sunt autem nonnulli Doctores, qui docuerunt, concubinarum liberos in genere non successisse patri. Seldenus *de success. in bona defuncti cap. 3. p. n.* & communis Rabbiorum doctrina est, natos ex ancilla & extranea seu gentili ad successionem patris non fuisse admissos, eoque trahunt etiam, quod fratres Jephthæ eum a successione excluderint. *idem ibid. p. 13. seq.*

- f) Concubinatum non esse prohibitum in lege Mosaica constat ex ipsa legis inspectione. Rariorem fuisse ejus usum ante Reges, inde verosimile est, quod pauca ante regnum constitutum memorentur, exempla concubinarum in sacris litteris, aut si referantur, videantur tamen aut esse dubia, aut quæ continere videantur aliquid irregularitatis. Ita Judicum IX, v. 18. Abimelech filius Gideonis natus dicitur a serva seu pellice, id est concubina. Ita Jephtha Judic. XI, 1, dicitur filius Galahadi ex meretrice, quæ tamen mox aliena mulier, id est, alienigena dicitur, i. e. concubina. Ita Simsonis exor Philistæa Judic. XIV. non erat justa uxor, etsi uxor vocetur, sed concubina. Ita Levitæ Judic. XIX, 2. seq. uxor pellex seu concubina memoratur, & tamen vir ejus vocatur, ac loceri & generi ibidem fit mentio, quia videlicet & ante legem & post legem concubinæ erant uxores secundariæ aut instar uxorum. Conf. Cleric. ad dicta loca, Seldenus *de J. N. & G. Lib. 5. c. 7. p. 594.*

- g) Etsi Seldenus in libris de *J. N. & G. & de U. Ebr.* doctrinam de concubinis post legem Mosaicam earumque differentiam a concubinis ante legem satis distincte explicet, & quandoque fluctuet, diserte tamen in tractatu *de success. in bona def. c. 3.* non solum concubinarum earum, quæ nec ancillæ, nec extraneæ

nez seu Gentiles, sed in uxores rite duci potuissent, mentionem non procul ab initio p. 9. facit, sed & paulo post p. 14. in medio & p. 16. circa finem alteram concubinitus speciem cum foeminis, quæ conditionis servilis, aut extraneæ seu gentiles, vel etiam profelytæ domicilii erant diserte asserit. Quorsum etiam pertinent exempla memorata concubinarum Gideonis, Galahadi, Simsonis.

- h) Non pro *justis uxoribus*, quia his & ante legem & post eam opponuntur; non pro *supratis*, quia stuprum supponit concubitus non frequenter continuatum; non pro *adulteris*, quia adulterii conceptus, ut *J. preced.* jam notatum, involvebat saltem concubitus cum aliena uxore, non pro *scortatrici-  
bus*, vel *meretricibus*, quia nec corpore quæstum faciebant, nec pluribus copiam corporis indulgebant, sed erant uxores secundariæ. Unde Judic. XIX. & concubina Levitæ scortata esse dicitur, intuitu concubitus non cum Levita, sed cum aliis, adeoque eo in loco concubinitus & scortatio minimum ut distincta proponuntur. Unde & de universo Hebræorum concubinitu Calvinus in *Commentario ad Genesin*; adductus ab Alberico Gentili de *nuptiis l. i. c. 4.* in fine ita sensit: *Concubina Hebræis, quæ tibi sociæ, non bonorum: item & legibus omnium gentium, secunda uxor, non SCORTATA.* Interim hæcenus dicta suppeditant divisionem concubinitus Hebræici in concubinitum omnino licitum, tam quoad licentiam internam, quam externam, videlicet cum foeminis, quæ in uxores rite duci potuissent, & in concubinitum illicitum, quoad licentiam internam, conf. Selden. de *succ. in b. d. c. 3. p. in fine*, etsi per mox dicenda & hic fuerit licitus extrinsece, id est, impunis, cum foeminis quæ uxores duci non poterant, scilicet cum extraneis idololatriæ addictis, ne videlicet commercio ejusmodi familiari Israelitæ a cultu veri DEI abducerentur. Cæterum an concubinitus cum ancillis, cum quibus etiam post legem Mosaicam non erat justum matrimonium, pro licito an illicito fuerit habitus, sub-  
stant, etsi non diffitear, hunc concubinitum secundum circum-



stantias plerumque conjunctas consideratum, haud dubie ad illicitos concubitus fuisse referendum quatenus videlicet ancillarum religioni Ethnicæ erant addictæ, ut Judaismo nondum initiatæ, de qua initiatione confer Seldenum *de J. N. & G. I. 2. c. 3. p. 149. seq. & cap. 5. p. 172.*

- i) de priori i. e. concubinæ inferiori dignitate quam uxoris, nulum credo esse dubium. Neque enim hic quicquam mutatum legitur in lege Mosaica. Ante eam vero concubinas non participasse de dignitate mariti jam ostensum *in notis ad thesin 4.* Posteriorem differentiam quod attinet, de ea vide Seldenum *de J. N. & Gent. l. 5. c. 7. p. 593. seq. de U. E. lib. 2. c. 9. & de success. in bona defuncti c. 3. p. 9.*

- k) De concubinarum primi generis liberis late id probat Seldenus *d. cap. 3. p. 9. seq.* quamvis *p. 11.* dissentientes ex Christianis scriptoribus adducat, quibus tamen *ibid.* perspicue respondet. De concubinarum secundi generis, scilicet ancillarum & extranearum liberis idem agit *p. 15. seq.* perplexe tamen loquitur, sic ut nescias, utrum putet, Jephtham a fratribus juste ab hereditate paterna exclusum esse necne. Clericus ad illum de Jephtha locum Judic. XI, v. 2. videtur equidem a nobis dissentire, dum sic loquitur. *Revera aliena (i. e. Ethnicæ) mulieris minime solenni visu ducta liberi non poterant hereditatem cum aliis ex legitima susceptis adire, nisi aliter patri visum esset.* Cui loco si jungas eum, quem jam supra *ad thesin 3. in fine* descripsimus, patet, Clericum id velle; ante legem natos ex concubina successisse patri, nili pater nollit, post legem non successisse, nisi pater vellet. Verum uti posterior assertio intuitu natorum ex concubinis primi generis haud dubie erronea est; ita & intuitu natorum ex concubinis secundi generis non probatur nisi forte ex doctrina quorundam Rabbīnorum, quorum tamen auctoritati alias Clericus parum tribuit. Unde si ea quæ scriptura de Jephtha tradit, expendas verosimilius videtur, cum injuste e fratribus ab hereditate paterna esse exclusum. Ut taceam, nullam apparere rationem diversitatis, cur nati ex incestuoso concubitu mamzeres succederent parentibus, etiam post

post legem Mosaicam, nati vero ex concubinis extraneis non succederent. Conf. jam notata *ad th. 5. lit. g.*

- 1) Conf. jam dicta *ad th. 5. lit. f.* Quæ vero apud Seldenum *de J. N. & G. lib. 5. c. 12. & de U. E. lib. 1. c. ult.* de coitu illicito poenis variis multarum, verberum &c. notata leguntur, videntur pertinere ad mores Judaicos subsequen- tium temporum, videlicet post Synedrium institutum. Conf. modo dicta *lit. b.*

### §. VII.

*In specie in-  
tuitu liber-  
tatis dimit-  
tendi concu-  
binar.*

Quod vero pristinam libertatem dimittendi concubinam viris indultam atinet, videtur verosimilius, nec hanc per legem Mosaicam fuisse restrictam, aut ad solennitatem dandi libelli repudii adstrictam.

Repete modo annotata *ad th. preced. lit. d.* Ratio assertionis nostræ in eo consistit. Etsi Moses discrete dicat, non dimittendam esse uxorem nisi dato libello repudii, & jam supra notaverimus *ad th. 3. lit. d. & ad th. preced. lit. b.* concubinas etiam dicitas esse uxores i. e. secundarias; cum tamen in dubio termino analogo absolute posito regulariter intelligatur species nobilissima, tamdiu verosimilis erit assertio, in lege Mosaica de dando uxoribus libello repudii, per uxores intelligi uxores justas non concubinas, donec justis rationibus probetur contrarium.

### §. VIII.

*Concubinatus  
omnis an  
a Christo &  
Apostolis  
prohibetur.*

De sententiis Rabbinorum circa licentiam aut prohibitionem sub tempore Synedrii hic non erimus solliciti, (a) saltem videamus, an concubinatus omnis (b) a Christo vel Apostolis fuerit prohibitus. Non arbitramur, neque enim prohibitionem hanc probant rationes & textus ab aliis eum in finem adducti. (c)

a) Ob rationes jam supra *ad th. 3. lit. a.* expostas.

b) Dico omnis. Unde jam non disputabimus de concubinato secundi generis cum foemina, cujus matrimonium erat prohibitum, sed ad scopum nostrum sufficit, si probaverimus, saltem concubinatum primi generis scilicet cum illa, quæ justa uxor esse poterat, non esse prohibitum.

c) Sic

- c) Sic Havemannus *Gamol. Synops. lib. 2. §. ult. p. 380. Concubinatus non est conjugium. Hoc dum tantum a Deo est institutum omnes reliquæ commixtiones extra matrimonium sunt prohibita & damnata.* Genes. II, 23. Matth. XIX, 5. 6. 1. Cor. VI, 13. 15. Hebr. XIII, 4. Hic vero quod rationem ab Havemanno adductam attinet, ea quidem videtur supponere regulam communem; institutionem divinam habere vim legis, quam si sano sensu exponas, uti non negamus, ita tamen communem ut vulgarem ejus explicationem, unde Havemannus illam illationem, qua utitur, deduxit, pertinere ad arcana politica Papatus jam notavit Dn. Præses in *Cautelis circa præcognita jurispr. Eccles. cap. 5. n. 13.* Loca scripturæ quod concernit, textus Genes. II, 23. probat saltem, matrimonium a Deo esse institutum, quod nemo negat. Locus Matth. XIX, 5. 6. agit de divortio iustæ uxoris. Textus Paulini 1. Cor. VI, 13. 15. & Hebr. XIII, 4. loquuntur de scortatione prohibita. At concubinatum primi generis non fuisse speciem scortationis hæcenus ostendimus, & agnoscit ipse Havemannus *d. l. n. 2. p. 377. seq. Conf. Huberum in præf. ad instit. de publ. judic. §. 5.*

## §. IX.

Uti vero hæcenus dicta monstrant, nec Moſen nec Apo-  
stolis credidisse, concubinatum seu conjunctionem ætiorum *Concubina-  
domesticam cum foemina sine affectu maritali, esse rem in se, sus jure gen-  
& nisi aliæ quædam peculiares circumstantiæ accederent, illicitum dicitur.*  
licitam, turpem, dictamini rectæ rationis aut legi sorte alii di-  
vinæ universali adversam; ita etiam apud alias gentes similis  
persuasio de licentia concubinus obtinuit.

H. e. Etsi apud alias etiam gentes tam orientales quam occiden-  
tales, semper differentia quædam inter matrimonium & con-  
cubinatum, justam uxorem & concubinam, filios legitimos &  
nothos fuerit, non tamen usquam legitur, quod antiquitus  
apud ullas gentes concubinus pro actu turpi aut scortatio-  
nis specie fuerit habitus. Negativam probare non est nostrum,  
sed incumbit dissentientibus probare affirmativam.

## §. X.

*Item & apud Græcos.*

Ut saltem duobus verbis de Græcis memoremus, & apud hos concubinatus fuisse pro licitis habitos, & scortationibus fuisse oppositos, ex eleganti Demosthenis loco videri id potest, ex quo simul patet, concubinatum etiam apud hos a matrimonio justo discrepasse potissimum dignitate & proposito.

Demosthenes orat. contra Neeram: *Meretrices* (ἐταίρας, amicas) enim gratia voluptatis (ἡδονῆς, libidinis) habemus, concubinas (παῖδες, pellices) ad quotidianam corporis curam (vel ancillis, curæ huic inservientibus tanquam concubinis utendo, vel etiam concubinato utendo, tanquam remedio ustionis ad evitandos morbos ex nimia castitate oriundos, item ad evitandam libidinem vagam, non intendendo quidem primario generationem sobolis, sed tamen eam non impediendo, adeoque non libidinis causa) uxores vero, ut liberos legitimos gignamus (τῇ παρδοποιῶσθαι, γνησίως, cum ex concubinato non nascerentur liberi legitimi, sed nothi seu naturales, non illegitimi aut spurii) & rei domesticæ fidem custodem præficiamus, (de dignitate mariti participantem & omnis vitæ consortem) Scilicet in concubitu cum meretrice vult esse propositum libidinis explendæ, regulariter procreationem sobolis impediens, cum concubina propositum vitandæ scortationis absque tamen affectione maritali, & citra intentionem concubinam retinendi, cum uxore insuper propositum participandi utramque fortunam, & sine iusta causa eam non dimittendi &c. Huc pertinet etiam Musonii doctrina in libro de scopo nuptiarum apud Stobæum Sermonem 68. *Vita ac generationis liberorum communione* caput esse nuptiarum dicebat. Siquidem sponsum & sponsam hoc nomine inter se conversari oportet, ut simul & vivant, & una liberos gignant, & omnia existiment communia, nihil vero proprium ne corpus quidem suum. Permagnum enim facienda est hominis generatio, qua tali conjugio producit. Verum hæc (sobolis procreatio) non satis est ad nuptias, cum & ali-

*Et aliter ipsi (viro & foemina) citra nuptias conjunctis (in concubinato) fieri (ibidem) possent. Sed omnino communis vita in matrimonio requiritur, & mutua viri uxorisque cura alterius pro altero, tum in secundatum adversa valetudine, denique omni tempore. Hujusmodi curam & procreationem liberorum unusquisque desiderans nuptias contrahit.*

## §. XI.

Pergamus ad Romanos. Horum ante Christianismum *Romanorum* susceptum de concubinato hæc fuit sententia. Cum senator *sententia de concubinato* non posset libertinam ducere, eamve, cujus pater matrem artem ludicram fecerit, (a) nec Præfes provincialem, (b) nec *ante Christianismum* civis Romanus ancillam uxorem habere posset, (c) permixtus *intuitu provincialium* tamen iis erat concubinatus cum libertina provinciali, ancilla. (d) Imo etsi patronis in genere non erat prohibitum *libertarum, ancillarum.* ducere libertas, honestius tamen erat patrono libertam concubinam, quam matrem familias habere. (e)

a) l. 44. §. 1. de ritu nupt.

b) l. 38. & 57. cod.

c) pr. Inst. de nupt junct. l. 32. de R. I.

d) De senatoribus quidem nulla, quod meminerim, lex extat in Pandectis: videtur tamen id asserendum, partim, quod patroni in genere potuerint libertarum concubinato uti, partim argumento l. 1. C. de nat. liber. De concubinato vero prædis cum provinciali est l. ult. de concub. De concubinato ancillarum nullum est dubium l. 24. ff. de R. N. junct. l. 1. C. de Nat. lib. Et clarius l. penult. de reb. aut. judic. possid. l. denique §. ff. de pignor. l. ult. C. comm. de manumiss.

e) l. 1. pr. de concubinis. Verba legis clara sunt, ut nesciam, quid in mentem venerit Dionysio Gothofredo, ut in notis ad eam ea plane in alienum sensum verteret, ac si JCrus dicere voluerit honestius esse patrono, ut liberta alteri sit concubina, quam

*uxor.* Interim verosimile est, Gothofredum non perspexisse rationem connexionis verborum legis allatorum cum casu ibidem formato, uti & alii difficultatem in hac lege agnoscunt. Vid. Schardius in *Lexico voce concubina*, qui dicit, quosdam priorem illius legis partem pro adulterina habere. Nobis sufficit, rationem assertionis haud dubie desumendum esse ex argumento ab interdicto senatori matrimonio libertinæ petito. Cæterum non putarem, assertionem illam cum ab Ulpiano in *d. pr. l. i. verbis initialibus* proposito pugnare, ubi questio tractatur, an concubina recte a patrono invito recedere possit, modo cum hac lege jungas, quæ Ulpianus alibi *l. ii. de divortii* & *l. 3. pr. de adulteriis*, item Marcellus *l. 4. de ritu nupt.* disserit. Sed ista quidem prolixius ostendere nostri instituti non est, ob ea, quæ supra §. 2. *lit. a.* jam notavimus. Interim ex *d. l. ii. de divort.* etiam probatur, patronis cum libertis interdum justum etiam matrimonium intercesse, etsi facilis solvendum, quam in aliis matrimoniis fieri solebat. Conf. Schard. in *Lexico voc. concubina*. Per furorem tamen patroni concubinatus cum liberta non tollebatur. Paulus *l. 2. de concubinis*. Cujus assertionis rationem etsi Dionysius Gothofredus in *notis ibid.* quærat in eo, quod nec matrimonium solvatur furore mariti, puto tamen magis respexisse ad ea, quæ Ulpianus in *l. ii. circa finem de divortii* disserit, atque voluisse tradere limitationem ibi ab Ulpiano dictorum.

## §. XII.

*Intuitu ingenuarum.*

Cæterum uti cum libertis alienis etiam erat concubinatus, (a) modo is non fieret invitis patronis, (b) ita quod ingenuas attinet, licitum saltem cum his erat matrimonium, non concubinatus, nisi essent in obscuro loco natæ, vel quæstum corpore fecerint, vel adulterii damnatæ essent, vel quis expressa testatione hoc manifestum fecerit, quod eas concubinarum loco habere velit, alias ejusmodi cohabitationes pro stupris habebantur. (c) Quod tamen hanc ultimam asser-

assertionem attinet, verius videtur, (d) in dubio hic pro matrimonio esse præsumendum, (e) & huc respexisse videtur Paulus, dum ait, concubinam ex sola animi destinatione æstimandam. (f)

a) l. 3. pr. de concub.

b) Per modo notata ad *ib. præced. lit. e.*

c) Ulp. l. 1. §. 2. Marcius l. 3. pr. de concub. Unde & Ulpianus d. l. 1. §. 1. notat, *solas eas in concubinato haberi posse absque metu criminis, in quas stuprum non committitur.*

d) Igitur puto hic antinomiam contineri. Marcius d. l. 3. pr. de concub. putat, eum qui cum Ingenua honeste vivente, cohabitaret, & non diserte testetur, quod ea velit tanquam concubina uti, habendum esse pro stupratore. Contra Modestinus & Papinianus in locis statim adducendis, docent, in dubio talem non pro stuprata, se pro uxore habendam.

e) Modestinus l. 24. de R. N. *In libera mulieris consuetudine non concubinitus sed nuptia intelligende sunt, si non corpore quæsum fecerit.* Papinianus l. 31. pr. de donat. *An maritalis honor vel affectio (aut an concubinitus) præcefferis, personis comparatis, visa conjunctione considerata perpendendum esse respondi, neque enim tabulas facere matrimonium.* Ubi vides, rationem non in eo esse quærendam, uti quidam volunt, quod in dubio actus magis pro licito quam illicito sit præsumendus, sed aliunde petendam esse. Scilicet, ut puto, ab illo generi matrimonii, quod usu fieri olim dicebatur, & aliis duobus generibus, per *confarreationem* & *coemptionem* opponebatur, sed de quibus hic non est locus prolixius disserendi. Sed hic novam crucem interpretibus fixit Papinianus, an Tribonianus in l. 16. §. 1. de his, *quæ ut indignis*, quæ lex ab omnibus lecta, sed ob obscuritatem nescio an ab ullo intellecta fuerit, ut facile patet, si quis saltem Dion. Gothofredi notas & Antonii Fabri ibidem citatas lucubrationes evolvat.

f) l. 4. de concub. Id est abstrahendo a circumstantiis specialibus nec simpliciter præsumendum esse pro matrimonio usu contracto, si v. g. mulier illa dubiæ conditionis corpore quæsum

fecisset, aut adulterii damnata, aut obscuræ conditionis esset, nisi forte ab eo qui consuetudine ipsius usus esset, non honore pleno dilecta esset, ut loquitur Papinianus, *d. l. 16. §. 1.* sed pro amica saltem habita &c.

### §. XIII.

*Concubinatus illicitus si quis jam uxorem habeat.*

Cæterum an Romanis nondum ad Christianismum conversis etiam licitus fuerit concubinatus, si jam uxores haberent, valde disputatur. (a) Mihi negativa videtur verosimilior. (b)

a) Vide Wiffenbachium *ad tit. Cod. de Concubin.* Huberum *ad ff. de concub.* Schard. *in Lex. voc. concubina.*

b) 1) ob textum Pauli *l. 2. recept. sentent. tit. 20.* *Eo tempore quo quis uxorem habet, concubinam habere non potest.* Saltem dum ibi injiciunt verba statim sequentia. *Concubina IGITUR ab uxore solo DELICTO separatur.* Et si enim pro delicto legas delectu, & hanc emendationem defendas ex alio Pauli loco modo adducto *l. 4. de Concub.* manet tamen dubium in voce igitur, cum etiam admissa hanc emendatione nulla videatur horum verborum cum præcedentibus esse connexio. Sed quicquid tamen hujus sit, Schardii correctio, in prioræ assertione vocem non expungentis, haud dubie est violentior, ob jam dicenda. 2) Probatur argum. *l. 121. §. 1. de V. O.* ubi boni mores vocantur, si quis uxori concubinam non superinducat, conf. Dion. Gohofr. *ibid.* 3) Argumento. *d. l. 11. de divortiiis in fine* verbis, *est concubinam sibi adhibuerit.* 4) Speciat etiam huc lex Pauli *144. de V. S.* Libro memorialium Massurius scribit, *pellicem apud antiquos eam habitam, quæ cum uxor non esset, cum aliquo tamen vivebat, quam nunc vero nomine amicam, paulo honestiore concubinam appellari.* Granius Flaccus in libro de jure Papiniano scribit, *pellicem nunc vulgo vocari, quæ cum eo, cui uxor sit, corpus misceat, quosdam, (legendum quondam, ut jam Pacius emendavit) eam, quæ uxoris loco sine nuptiis in domo sit, quam παῖδα Græci vocant.* Non obsi. *l. 3. §. 1. de concub.* Nec adulterium per concubinatum ab ipso (viro) committitur. Nam quia concubinatus per leges nomen assumfit,

extra



*extra legis penam est.* Casus hic, inquit dissentientes, non potest nisi de viro uxorem habente intelligi. Ego contra; si de viro uxorem habente intelligatur, erit quaestio Domitiana, quia vir uxorem habens, cum soluta jure divino pariter & Romano non committit adulterium, ut partim ex supra dictis, partim ex mox dicendis patet. Ergo vero simile est, per adulterium in hoc loco intelligi *suprum* argumento l. 6. §. 1. de adul. l. 101. de V. S. adeoque frustra hanc responsionem a Wissenbachio adductam ad argutias refert Huberus. Interim illud ex haecenus dictis liquet, concubinatum viri uxorem habentis fuisse quidem illis temporibus pro turpi & vitioso habitum, etsi impunem, si v. g. ancilla quis aut libertina, aut ingenua corpore quaestum faciente, ut concubina uteretur, concubinatum autem soluti ceteris paribus fuisse honestum & intrinsece licitum, ut statim videbimus.

## §. XIV.

Quae igitur de concubinatus Romani & iusti matrimonii differentiae jam alia notarunt, non repetemus, (a) Ad nostrum scopum pertinet illas differentias notare. Concubina, *Differentia concubina ab uxore iusta* non pro adultera habetur, nec pro stuprata, (b) nec pro *praeputa* meretrice, (c) sed pro ea, quae uxoris loco interim esset, (d) & dignitate saltem ab uxore differret, (e) atque pro libitu & sine ulla solennitate dimitti posset, & divertere a viro, nisi patronus esset. (f) Liberi vero, ex concubina nati, non succedebant patri, quia non erant in potestate, poterant tamen iis a patre legata relinqui, imo poterant heredes institui. (g)

a) Vid. Schardius voce concubina.

b) Per l. 6. §. 1. l. 34. §. 1. ad L. Jul. de adul. l. 101. de V. S. inter quos textus nulla est contradictio, secus ac arbitratur Schardius d. 1. Adde Huberum ad Instituta de publ. judic. §. 5. & ad ff. de adul. §. 1. & 2. ubi refutat dissentientem Carpzovium.

c) Quia concubina & meretrix, seu ea, quae corpore quaestum facit, sibi

sibi opponuntur, *l. 24. de Ritu nupt. l. 3. pr. de concub.* Adde Dion. Gothofr. *in not. ad Nov. 91. Leonis lit. i.*

- d) Unde & monebant Jureconfulti, incestum vitandum in concubinato *l. 1. §. 3. de connub.* Imo & adulterium committebatur in concubinam, si modo talis fuerit, quæ in concubinatum se dando matronæ nomen non amiserit, utpote quæ patroni concubina fuerit *l. 13. pr. ad L. 3. de adult. conf. Cujac. l. 3. Obs. 18.*
- e) *l. 49. §. 4. de legatis 3.*
- f) Argumento *l. 11. de divorc. l. 1. pr. de concub.*
- g) Vide plures textus citatos a Wiffenbachio *in comment. ad l. 2. 3. 4. C. de natur. lib.*

### §. XV.

Concubinatus Romanus honestas in comparatione ad concubinatum Hebræorum.

Erat igitur tum temporis concubinitus Romanorum etfi Ethnicorum, æque licitus & honestus, (a) ac concubinitus Hebræorum, imo eo intuitu honestior, quod turpe apud Romanos haberetur, uxori concubinam superinducere, (b) quod apud Hebræos turpe non erat. (c)

- a) Unde concubinitus dicitur per leges nomen assumpsisse *l. 3. §. 1. de concub. ubi adde Gothofr.*
- b) Repete dicta §. 13.
- c) Vide supra §. 1.

### §. XVI.

Respondetur objectionibus quasi concubina sit nomen voluptatis.

Neque obstat hactenus dictis, (a) quod quidam afferunt, etiam a Gentilibus turpitudinem concubinitus fuisse agnitam, a Græcis pariter & Romanis provocantes ad proverbium philosophorum: Uxorem esse nomen dignitatis, mulierem voluptatis, & ad Julium Capitolinum, in vita Hadriani memorantem, quod Hadrianus dixerit, uxorem esse nomen dignitatis, concubinam vero nomen voluptatis. (b) Præterquam enim quod ea, quæ hic de philosophorum proverbio

proverbio (c) & dicto Hadriani (d) allegantur, aperte falsa sint, inspectio scriptorum variorum, vitas Imperatorum seculi & tertii seculi describentium, docet, Aelii Veri dictum, sed insigniter corruptum, occasionem huic errori dedisse, (e) aut forte commentationem Casauboni ad idem dictum, (f) quamvis, si paulo penitius inspiciatur, ea magis probet doctrinam hactenus traditam de honestate concubinatorum, quam ejus turpitudinem. (g)

- a) Ingenui disputatoris est non solum probare thesin, sed etiam respondere ad argumenta dissentientium. Si plures objectiones reperissemus, etiam illas adduxissemus.
- b) Bruckner. *decis. jur. matrim. cap. 3. n. 17.* quod in hoc autore eo magis mirandum, quia agnovit, & latius probavit *eod. cap. 13. & seq. cap. 14.* polygamiam unius viri cum pluribus seminis nec jure divino naturali, nec positivo repugnare; de qua tamen erant majores rationes dubitandi, quam de concubinato.
- c) Nam 1) quæso, quinam sunt illi philosophi, qui dixerunt, *uxorem esse nomen dignitatis, mulierum voluptatis*. Cur nemo allegatur: 2) Suspectum est illud dictum, nam dignitas & voluptas sibi inepte opponuntur. Dignitati opponitur vilitas, vel carentia dignitatis, & voluptati studium gignendæ sobolis. Ergo tantum abest, ut illud dictum philosophorum esse possit, ut potius non nisi ab illis potuerit esse inventum, qui omni judicio philosophico destituuntur. 3) Inepta pariter hic est oppositio uxoris & mulieris, quasi mulier vel *γυνή*, vel apud Græcos, vel apud Latinos in specie concubinam denotaverit, & non utrobique sit nomen generis, uxorem etiam sub se comprehendens, & sæpius, (non semper) simpliciter positum, uxorem tanquam analogatum nobilissimum denotans. 4) Contrarium docet dictum Demosthenis *supra §. 20.* adductum & expositum. Ergo si ad hoc forte respexerunt dissentientes, non laudabiliter oratorem cum philosopho confuderunt.

D

majori

- majori vituperio digni, quod dictum Demosthenis corrupe-  
runt, & in alienum plane sensum detorserunt.
- d) Nam 1) Julius Capitolinus non scripsit vitam Hadriani, sed  
Ælius Spartianus. 2) In tota vita Hadriani nihil ea de re ex-  
tat. 3) Nec præsumendum etiam est de Hadriano, quod tale  
quid dixerit, cum scilicet ipse & adulterum amore ac nupta-  
rum adulteriis laboravit, ne amicis quidem servans fidem,  
(Spartianus *cap. u.*) & Antonium suum muliebriter flectens.  
(Idem *c. 14.*) 4) Putavi quidem initio, erratum fuisse in  
nomine Imperatoris, & cum Julius Capitolinus scripserit vi-  
tam Antonini philosophi, hic aliquid de dicto allato me reper-  
turum. Sed & ibi ea de re nihil, potius in fine argumentum  
novum pro sententia nostra inveni. *Enisa est*, inquit Cap-  
itolinus, *Fabia*, ut *Faustina mortua in ejus matrimonium coacta*,  
*sed ille concubinam sibi adscivit procuratoris uxoris sua fami-*  
*liam, ne tot liberis superduceret nevercam.* Et honestum con-  
cubinatus finem, minime voluptatis aut libidinis extinc-  
tionem, sobolis generationi oppositam.
- e) Tandem post tardiosam, & diutius ex studio veritatis conti-  
nuatam inquisitionem, inveni, autores hujus dictionis insigni-  
ter corrupisse dictum Ælii Veri, de quo sequentia refert Ælius  
Spartianus *cap. 5.* *Idem uxori conquerenti de EXTRANEIS*  
*VOLUPTATIBUS, dixisse fertur. Patere me per alias*  
*exercere cupiditates meas. Uxor enim dignitatis nomen est,*  
*non voluptatis.* Vides hic de extraneis voluptatibus sermo-  
nem esse, non de concubina vel pellice. Et tamen Verus di-  
xit, concubinam esse voluptatis nomen. Quid dicturi essent  
adversarii, si nos tali fide adduceremus autores. Credo eos  
gravi cum Zelo nos male & pessima fidei accusaturos esse. Nos  
contra absque affectu illorum plas fraudes, ut molliissime lo-  
quamur, saltem placide ostendimus, & excusandi causas sup-  
peditamus.
- f) Ita enim Casaubonus *p. m. 101.* *Tria sunt conjunctionis hujus*  
*nomina - - uxor, pellex, amica. Horum unicum est nomen*  
*dignitatis, uxor, reliqua sunt nomina voluptatis.* Sed hæc Ca-  
sau-

sauboni assertio responsionem capiet ex modo notatis *lit. c.*  
Imo ipse statim quoad concubinam se corrigit.

- g) Ita enim continuat; *sed cum aliquo tamen discrimine.* Nam honestior est pellex, ut quæ accedat propius ad uxoris naturam. Est enim *παλλακή* Pilegesch Hebræorum, quasi legitime conjugis dimidium, & ut dicunt ipsi, *Pilegische*. Balsamon conciliorum interpret. *Παλλακή* de *ἐστὶν ἡ ὑπομνηστὶς τῆς ἀρχιεπισκοπῆς* &c.

## §. XVII.

Neque alia mens fuit Imperatorum Christianorum a Constantino Magno, usque ad Justinianum. (a) Nam & sub his concubinitus unius cum una nec pro scortatione aut actu alio libidinoso, sed prolicito ac honesto fuit habitus. (b) Donec Imperator Leo concubinitum prohiberet, (c) jure quidem suo, (d) sed rationibus tamen ejusmodi, quæ parum persuaderent, concubinitum in se esse statum turpem & illicitum. (e)

*Durasse opinionem de honestate concubinitus etiam apud Christianos Imperatores usque ad Leonem philosophum*

- a) Volebam equidem constitutiones omnes Imperatorum Christianorum ex utroque codice, (Theodosiano & Justiniano repetitæ prælectionis) & Novellis, quæ de concubinis & naturalibus liberis agerent, pariter in ordinem redigere, earumque historiam tradere, sed, cum & hic labor excederet scopum ab initio præfixum, & istæ leges maximam partem de naturalium liberorum successionibus ac legitimisationibus agerent, adeoque ad præsens negotium non multum conducerent, sufficere hoc loco, monstrasse saltem doctrinam Imperatorum Christianorum de licentia concubinitus. Initio Constantinus M. cujus est *lex unica C. de concub.* Concubinitum in genere non damnavit, sed saltem prohibuit concubinitum constante matrimonio. A Constantino usque ad Justinianum non deprehendimus, ullum Imperatorem concubinitum habuisse pro specie scortationis. Justinianum quod attinet, jam notavit Gothofredus *ad l. 3. §. 1. de concub.* vocari concubinitum ab

eo licitam (seu legitimam) consuetudinem *l. 5. C. ad Sc. Orphittianum* (quæ lex Justiniani est) sed & semi-matrimonium & conjugium inæquale in *l. 3. eod.* Quamvis autem *d. l. 3.* nec Justiniani sit, nec de concubinato quicquam in ea extet, non dubito tamen, quin Gothofredus aliam legem Justiniani habuerit pro oculis, & saltem in citatione erraverit. Confer modo notata *ad th. 16. lit. g.* Pergit Gothofredus, concubinam appellari vice conjugem in antiquis Inscriptionibus & in Novella *18. cap. 5.* Justinianum dicere, quod concubina uxorem imitetur. Et si autem nec id diserte ibi dicat Imperator, argumentum tamen illo Gothofredus ex *d. c. 5.* usus est, quod Justinianus ibidem ab uxore ad concubinam inferat, & in verlic, *sicut enim* statuat, quod sicut quis legitimæ uxori alias superinducere non possit, sic nec concubinæ. Addo, quod ex verbis inox sequentibus, (*U. nos non præbemus luxuriantibus, sed caste viventibus legem*) perspicue appareat. Imperatorem eum, qui concubinas plures habeat, ad luxuriantium, contra eum, qui una concubina contentus sit, ad caste viventium classem retulisse, adeoque concubinatum unum cum una nequaquam pro statu libidinoso habuisse. Et quid verbis multis opus est. Ipse Imperator Leo, dum in Novella *91.* dicere præcedentium Legislatorum constitutiones se abrogare velle, eo ipso facetur, ante hancejus Novellam concubinatum pro licito a præcedentibus Imperatoribus fuisse habitum.

c) *d. Nov. 91.* Vixit autem Imperator Leo philosophus, cujus est hæc Novella, plus trecentis triginta post Justinianum annis. Alb. Gent. *de Nuptiis l. 1. c. 6.*

d) Partim quod in arbitrio principis sit, actus etiam jure naturali licitos & indifferentes, (qualem concubinatum unus cum una fuisse hætenus ostendimus,) pro utilitate reipublicæ prohibere, & tales prohibitiones haud dubie subditos in conscientia obligant; partim quod multæ circumstantiæ, quæ præcedentibus temporibus, concubinatus usum suadebant, seculo Leonis cessarent. Ita v. g. Leonis tempore & provinciales magistratus

stratus provincialem foeminam & senatores libertinam, & liber homo ancillam propriam matrimonio sibi jungere poterat &c. Et ita intelligimus verba finalia d. Nov. 91. *Ceterum vita confortem invenire difficile non est.*

- e) Saltem recitabimus verba Leonis. *Thesis ejus est: concubinitur religioni & natura adversatur secundum divina Christianosque convenientia præcepta. Probatio thesios sequens. Et quidem si, cum fontem habeas sobrie inde haurire divino jure moneare; qua ratione, cum puras aquas haurire liceat, lutum tu mavis. Tum tamen si fontem tu non habeas, rebus tamen vetitis uti non poter.* Hic apparet, concubinatum cum luto & rebus vetitis comparari quidem, sed eam assertionem non probari, sed præsupponi, adeoque in probatione thesios committi petitionem principii. Liceat tamen hoc loco obiter quærere. Cur illi, quibus Leo in componenda hac Novella usus est, non adduxerint argumentum ex dicto Paulino 1. Cor. VII, 2. *Propter fornicationem suam quisque feminam (ἑωυτοῦς) habeat &c.* An tum temporis nondum ex illo loco argumentum adversus concubinatum fuit petatum? Et cur non? An quia sentiebant, eum non ob stare concubinatus unius cum una, cum & ibi *unus suam feminam* habeat? (Hieronymus *Epist. ad Oceanum. Tom. 2. Epist. p. m. 312. Vide ne hoc, quod dicitur unius uxoris virum, unius mulieris possit intelligi, ut ad coitum magis referatur, quam ad dotales tabulas.*) An ob alias rationes. Sane id non omittendum videtur, quod in toto novo testamento concubitus ~~non dicitur~~ mentio non fiat, cum tamen Apostoli sæpius fornicationis, adulterii, concubitus sodomitici, mentionem fecerint distinctam, & Apostolus in recensendis operibus carnis Gal. V, 29. adulterium, fornicationem, impuritatem distincte memoret. An dicemus, sub fornicationis voce concubinatum comprehendi? At illo tempore illa fornicationis extensio nondum erat recepta, sed hæc extensio post aliquot secula demum orta. An non opus erat, ut concubinatus distincta fieret mentio? At quis ad hanc rationem confugeret, cum tamen nullum sit dubium, concubi-

natum & apud Romanos & Græcos fuisse si non frequentissimum, saltem non infrequentem? An denique, quod ex regulis prudentiæ Ecclesiasticæ Apostolus ejus mentionem omiserit, ne videretur, aut penitus eum improbare, si non libidinis causa susciperetur, aut approbare, cum sæpius sub concubinato specie per abusum palliaretur libido? Nihil determino, sed informationem, solidam tamen & solo auctoritatis humanæ præjudicio non subnixam, modeste peto ab eruditoribus. Cæterum ut ad Leonem redeam, ab hoc quidem Imperatore non expectanda erat justa ac prudens eorum, quæ ab Antecessoribus constituta erant, correctio, per ea quæ latius ostendit Albericus Gentilis de nuptiis lib. 1. cap. 6. & Annæus Robertus rerum judic. lib. 2. cap. 17. p. 711. seq.

## §. XIIX.

*Occasio, qua  
inceptum  
fuerit, concubina-  
tum  
habere pro  
scortatione.  
Auctoritas  
Patrum Ec-  
clesiæ.*

Cum igitur concubinus & ante nativitatem Christi, ab Hebræis, Græcis, Romanis, & post nativitatem Christi, sub Christianis etiam Imperatoribus, usque ad tempora Leonis Philosophi per integra novum secula (a) pro statu honesto & licito fuerit habitus, jam paucis ostendendum, qua occasione factum fuerit, ut concubinus etiam unius cum una proscortationis specie postea habitus fuerit. Ubi nullum est dubium, auctoritatem Patrum Ecclesiæ pro ratione illorum temporum parum in Philosophia morali versatorum (b), & imprimis Ambrosii, Hieronymi, Augustini primâ hujus opinionis fundamenta jecisse.

a) Nam Leo Philosophus regnavit circa finem seculi noni.

b) Hanc assertionem perspicue probavit Clarissimus Barbeyracus in præfatione ad versionem librorum Pufendorffii de J. N. & G.

## §. XIX.

*Imprimis  
Ambrosii.*

Et Ambrosium quidem quod attinet, cum conceptum adulterii forte (a) extenderit ad omnem concubitum extra legitimam conjugem, (b) & ideo non potuerit de concu-



concubinato bene sentire, (c) cepit etiam contra hunc differe-  
 rere, (d) sed ab Ambrosio quidem non expectanda erat so-  
 lida doctrina morum, utpote qui alibi adulterium ante Mo-  
 sen & Evangelium non fuisse prohibitum asserit. (e)

a) Dubitanter loquor, quia etsi in jure Canonico non deprehen-  
 derim alium Patrem Ecclesie ante Ambrosium, qui adulteri-  
 um hunc novum conceptum formaverit, cum tamen non licuerit  
 ob temporis penuriam Patres Ecclesie precedentiibus Ambrosi-  
 um evolvere, hic nihil determinare volui. Interim dum La-  
 ctantium evolvo, video hunc modo praevisse Ambrosio,  
 dum libro 6. divin. instit. c. 23. sic scribit: *Non enim sicut juris  
 publici (Romani) ratio est, sola mulier adultera est, qua habet  
 alium, maritus autem etiam si plures habeat a crimine adu-  
 lterii solutus est. Sed divina lex (utique non Moisaica, per dicta  
 superius §. 5. & 6.) ita duos in matrimonium, quod est in cor-  
 pus unum, pari jure conjungit, ut adulter habeatur, quisquis  
 compagem corporis in diversa distraxerit.* Quam sententiam  
 postea etiam repetiit Ambrosius, ut statim videbimus. Inter-  
 im tamen Lactantius adulterii conceptum non porrexit ad  
 quemvis concubitum extra legitimam conjugem.

b) Ambrosius Lib. I. de Abrahamo, unde desumptus can. 4. C. 32.  
*qu. 4. Neque blandiatur sibi de legibus hominum. Omne stu-  
 prum adulterium est, nec viro licet, quod mulieri non licet. Ea-  
 dem a viro, qua ab uxore debetur castimonia. Quicquid in  
 ea qua non fit legitima uxor, commissum fuerit, adulterii no-  
 mine damnatur.*

c) Quia concubinatus est concubitus cum ea, quae non est legiti-  
 ma uxor. Et quod hic non solum de viro, qui uxorem habet,  
 cum Lactantio loquatur Ambrosius, patet ex verbis: *omne  
 stuprum adulterium est.*

d) Ambrosius in sermone de S. Johanne relato in can. 9. d. q. 4.  
*Dicat aliquis: uxorem non habeo, ideo ancillam mihi sociavi,  
 (qua ut concubina tutor.) Audi quid dicat scriptura ad Abra-  
 hamum: Ejice ancillam &c. Si igitur ancilla filius heres non  
 est,*

est, ergo nec filius est, (quæ qualis quanta?) Cur autem &c. quaritur tale contubernium, de quo nati non filii sunt matrimonii, sed testes sunt adulterii? Cur autem ejusmodi suscipiuntur adulterini, qui patri pudori sint, non honori &c. Mulier igitur tua, si talibus moribus prædita est, ut mereatur consortium, mereatur & nomen uxoris. . Præsta concubina tua libertatem & nomen uxoris, ne tu adulter sis potius quam maritus.

- e) Ambrosius d. lib. i. de Abrahamo. Consideremus primum, quia Abrahamus ante legem Moysi & Evangelium fuit, cum nondum interdictum adulterium videretur, pœna criminis ex tempore legis est. Ut taceam, Ambrosium passim ita extollere virginitatem & coelibatum, ut videatur conjugium considerasse ut statum parum honestum. Dallæus de usu patr. p. 272. Barbeyrac. in præfatione citata p.

### §. XX.

*Hieronymus.*

Sed & Hieronymus, etsi diserte non condemnet concubinatum, (a) non tamen potuit favorabiliter de eo sentire, cum de ipso matrimonio passim contemptum loquatur. (b) Sed & hæc doctrina nœvis Hieronymi annumeranda, excusandis forte, non defendendis. (c)

- a) Hieronymus in Epistola ad Eustochium Tom. I. Epist. f. m. 138. edit. Basil. 1537. Unde in Ecclesias Agapetarum pestis introiit? Unde sine nuptiis aliud nomen uxorum? Imo unde novum concubinarum genus? Plus inseram. Unde meretrices univira? Eadem domo uno cubiculo, sæpe uno tenentur lectulo, & suspiciosos nos vocans si aliquid existimamus. Nescias hic, an omnem concubinatum improbet, an vero saltem novum aliquod concubinarum genus. Nam omnem concubinatum non poterat novum conjunctionis genus dicere. Idem in Epist. ad Oceanum d. T. i. f. 198. Aliæ sunt leges Caesarum, aliæ Christi, aliud Papinianus, aliud Paulus noster præcipit. Apud illos viris impudicitia frenata laxantur, & solo stupro atque adulterio condemnato passim per lupanaria & ancillas libido per-

mittitur, quasi culpam dignitas faciat, non voluntas. Apud nos quod non licet fœminis, æque non licet fœminis, æque non licet viris. Conf. Alber. Gentil. de nupt. lib. 1. c. 5. p. 25. Hic quidem Hieronymus cum Laetantio adulterii conceptum extendit ad virum; non tamen dilerte ad concubinatum. Idem in alia Epistola ad Oceanum T. 2. p. 319. seq. contra eos disputans, qui docuerant, eum qui ante baptismum uxorem habuerat, & post baptismum alteram priore mortua duxerat, non posse fieri Episcopum, elegantem instantiam dat de concubina p. 321. *Quæram & illud. Si quis & ante baptismum habuerit concubinam, & illa mortua baptizatus uxorem duxerit, utrum clericus fieri debeat, an non? Respondebis, posse fieri, quia concubinam habuerit, non uxorem, conjugales ergo tabula non coitus ab Apostolo condemnatur. Subjungit statim. Multos videmus, ob nimiam paupertatem uxorem forcinam declinare & ancillas suas habere pro uxoribus (in concubinato) susceptosque ex his liberos colere, ut proprios: qui si forte ditati ab Imperatore stolam ipsius meruerint, confestim Apostolo colla submittent & inuisti inter uxores eas recipere cogentur. Sin autem principale rescriptum eadem tenuitas imperare non quieverit, cum Romanis legibus scita Ecclesia mutabuntur! Hic obscurior est Hieronymus, ut nescias, an concubinatum istum improbet, an toleret. Denique ad cap. V. Epist. ad Ephes. qui locus refertur can. 2. C. 32. q. 2. Sicut non omnis congregatio hæreticorum, Christi ecclesia dici potest, nec caput eorum Christus, sit non omne matrimonium, quo non viro suo secundum præcepta Christi uxor jungitur, rite conjugum appellari potest, sed magis adulterium. Hic equidem concubinatus non nominatur, sed tamen facile ista Hieronymi assertio ad concubinatum extendi poterit.*

b) Vide Barbeyrac. d. l. Adde cap. 4. C. 32. qu. 2.

c) De his Hieronymi nōvis vide Barbeyr. d. l. & ibi citatos. Conf. Dn. Præsid. in cautel. circa præcogn. jurispr. Eccles. cap. 5. §. 7. & 8.

## §. XXI.

*Potissimum  
vero Augu-  
stini.*

Denique Augustinus sapius concubinatum omnem condemnavit, (a) sed absque rationibus justis, (b) imo ipse fatetur, quod ex Decalogo probare nequeat, concubinatum esse speciem fornicationis, (c) & alibi rationem suppeditat, concubinatum defendendi. (d) Sed quam graviter ipse Augustinus in variis doctrinæ moralis capitibus erraverit, jam ab aliis ostensum satis. (e)

- a) Augustinus *Serm. 243. de tempore* apud Dedekennum *Part. 3. l. 1. Sect. 3. n. 1.* concubinatum dicit gravius esse peccatum, quam adulterium, quia publice fiat, *Idem l. 5. Homil. 49. unde desumptus can. 6. dist. 34. Fornicari vobis non licet, sufficiant vobis uxores. Audiatur Deus, si vos surdi estis, audiant angeli, si vos contemnitis, concubinas vobis habere non licet, etsi non habetis uxores, tamen non licet vobis habere concubinas, quas postea dimittatis & ducatis uxores tanto magis damnatio vocis erit, si volueritis habere uxores & concubinas.* *Idem de bono conjugali c. 14. relato in can. 5. C. 32. q. 2. Concubina ad tempus adhibita, nec, etiamsi causa filiorum concumbant, justum faciunt concubinatum suum.* Denique *ibid. c. 3. & in jure Canonico cap. seq. 6. d. q. 2. Solet queri cum masculus & femina nec ille maritus nec illa uxor alterius, solum non filiorum procreandorum, sed pro incontinentia solius concubitus causa copulantur, ea fide media, ut nec ille cum altera, nec illa cum altero id faciat, utrum nuptia sint vocanda. Et potest quidem fortasse, non absurde hoc appellari connubium, si usque ad mortem alicujus eorum id inter eos placuerit, & prolis generationem, quamvis non ea causa conjuncti sint, non tamen vitaverint &c. Caterum &c. si aliquam sibi vir ad tempus adhibuerit, donec aliam dignam vel honoribus vel facultatibus suis inveniat, quam comparem ducat, animo ipso ADULTER est, nec cum illa*

*illa quam cupit invenire, sed cum illa, cum qua sic cubat, ut cum ea non habeat maritale consortium.*

- b) Nam primus locus ap. Dedekennum præsupponit concubinarum esse peccatum, non probat. Secundus *can. 6. dist. 34.* floſculis quidem oratoriis & exclamationibus (*audiat Deus, audiant angeli &c.*) utitur, nulla ratione. Quamvis illas exclamaciones admiretur & commendet Gonzalez Tellez *ad capit. 20. de sponsal. & matrim. f. 45.* Tertius & quartus *c. 5. & 6. C. 32. q. 2.* pariter ne umbram quidem rationis alicujus ostentant, sed Augustinus quasi pro tribunali de simplici & plano pronunciat.
- c) Momentum totius controversiæ in eo situm erat, utrum concubinatus unius cum una liberorum procreandorum causa initus, sed cum libertate dimittendi aut recedendi, sit status turpis & fornicationis species. Hoc debebat Augustinus adducta saltem vel minima ratione probare. Sed ut vidimus, nullam attulit. Quin potius in *Can. 11. caus. 32. q. 4.* (qui textus desumptus est ex *questionibus in Deuteron.*) ita loquitur: *Omnis mæchia etiam fornicatio dicitur in scripturis. Sed utrum etiam omnis fornicatio mæchia dici possit, non mihi interim occurrit locutionis exemplum. Sed si non omnis fornicatio etiam mæchia dici potest, ubi sit in Decalogo prohibita illa fornicatio, quam faciunt viri, qui uxores non habent, cum feminis quæ maritos non habent, (quorsum etiam ex mente Augustini pertinet concubinatus) utrum inveniri possit ignoro.* Habes Augustini confessionem. Jam vide, quomodo se ex hoc dubie expediat. *Sed si furti nomine bene intelligitur illicita usurpatio rei aliena, profecto & nonine mæchia omnis illicitus concubitus prohibitus debet intelligi.* Vides Augustinum redire ad punctum circuli, unde cœperat discurrere. Quæritur, an concubinatus sit prohibitus & turpis. Affirmatur, ratio, quia est fornicatio. Objectio, fallum hoc nec in sacris literis sub fornicatione comprehenditur. Resp. Imo comprehenditur, Instantia: Proba. Responsio, non possum quidem disertis verbis scripturæ probare, sufficit, quod sub forni-

catione intelligatur omnis concubitus illicitus, & adeo (en re-  
ditum ad punctum circuli) concubinatus.

d) De polygamia Patriarcharum ipsi a Fausto objecta respondet  
Augustinus in cap. 7. C. 32. q. 4. *Quod* (matrimonium polygami-  
cum Jacobi) *quando mor erat, crimen non erat.* Cujus dicti alius  
sensus esse non potest, quam polygamiam non repugnare juri  
divino universali, sed ejus prohibitionem ad leges positivas  
ealque particulares pertinere. Quod si ergo de polygamia sic  
sensit Augustinus, cur non majori ratione quis adversus ipsum  
de concubinato urgere posset. *Concubinatum quando mor erat  
crimen non erat, sed pro crimine demum post legem prohi-  
bentem habendus est.*

e) Lege saltem Barbeyracum d. l. & obstupece. Adde tamen  
*cantelas Dn. Præsidis d. c. 14. §. 9. 10. u. inculcatas.*

## §. XXII

*Non tamen  
mox in Ec-  
clesia ante  
Novellam  
Leonis re-  
cepta.*

Sed fuerunt saltem hæc tum temporis privatæ opiniones  
horum Patrum, non in ecclesia communiter receptæ, haud  
dubie ob evidentem rationem justarum defectum. Quin potius  
adhuc post Ambrosii mortem in Ecclesia concubinatum pro  
statu licito ac honesto aut saltem non inhonesto fuisse habitum,  
docet canon concilii Toltani primi, (a) nequaquam de uxore  
justa absque pactis dotalibus ducta loquens, (b) & locus Isi-  
dori, (c) ut canones Pseudo Apostolicos (d) taceam. Nec ve-  
rosimile est, ante Novellam illam Leonis concubinatum in  
aliquo concilio fuisse prohibitum, quia haud dubie locus ille  
hactenus fuisset ex tenebris in lucem protractus. (e)

a) Fuisse illud concilium circa finem seculi quarti, aut initium  
quinti, adeoque ante tempora Hieronymi & Augustini, sed  
post mortem Ambrosii habitum docet Joh. Ludov. Hartmann  
*Tom. 3. Concil. illustr. p. 395. seq.* verba concilii in Can. 17. hæc  
sunt: *Si quis habens uxorem fidelis, concubinam habeat, non  
communicet. Caterum is qui non habet uxorem, & pro uxore  
con-*

*concubinam, a communione non repellatur, tamen ut unius mulieris, aut uxoris, aut concubinae, (UT EI PLACUERIT) sit conjunctione contentus alias vivens abjiciatur, donec desinat & ad penitentiam revertatur. Totus contextus ostendit, concilium loqui de concubinato iusto matrimonio contra distincto. Et quamvis canon. 4. dist. 34 verba canonis 17. adducta non integra proferat, tamen & ibi videre est, sermonem esse de concubinato, non matrimonio iusto.*

- b) Occasionem huic inepto effugio dedit Gratianus, qui ut aliquid afferret, quo dissensum concilii Toletani a sententiis memoratorum Ecclesiarum Patrum tolleretur, præmisit dicto can. 4. dist. 34. *Concubina hic intelligitur, quæ cessantibus legalibus instrumentis unita est, & conjugali affectu adsciscitur. Hanc conjugem facit affectus, concubinam vero lex nominat. Quod si hic sensus Gratiani esset, ad matrimonium jure naturæ sufficere intentionem generandi cohabitatione continuata sobolem & talem affectum conjugalem etiam in concubinato esse, verum quidem dixisset, sed id non fuisset sufficiens ad contradictionem Patrum tollendam. Verum ostendunt sequentia ap. Gratianum post dist. can. 4. quod per conjugalem affectum intelligat intentionem individua consuetudinis, & sic falso explicat concilium Toletanum, utpote quod haud dubie de concubina loquitur, quæ assumpta est interim loco uxoris cum libertate dimittendi. Observantes hoc alii, Gratianum non recte explicasse mentem concilii, dicunt, eundem per concubinam intelligi talem, quæ vera quidem est uxor, sed non legitima, verum talis, quæ alicui sine solennitatibus Ecclesiasticis est sociata. Vide Zieglerum in notis ad Lancelottum lib. 4. tit. 8. §. ult. p. 993. Hi, si per veram uxorem intelligant uxorem secundariam & vice uxorem, recte quidem canonem explicant, sed tamen dissensum Patrum ita non conciliant. Sin per veram uxorem intelligant cum intentione individua consuetudinis & affectu maritali ductam, æque falso ac Gratianus sensum concilii Toletani exponunt. Conf. Havemann. Gamol. lib. 3. tit. 2. §. 5. Wissemb. ad tit. Cod. de concub.*

- c) Vixit Isidorus Hispalensis seculo septimo, adeoque diu post Hieronymum & Augustinum. Hic in libro de distantia veteris & novi testamenti inter alia & hanc differentiam ponit, relata a Gratiano c. 5. dist. 34. *Christiano non dicam plurimas sed nec duas simul* (vel uxores vel concubinas, ut in veteri testamento) *habere licitum est, nisi unam tantum aut uxorem aut loco uxoris, si conjux deest*, (in quo iterum a Veteri Testamento nova differentia sita est) *concubinam*.
- d) Extat in canonibus illis Apostolicis 17. *Si quis post baptismum secundis fuerit nuptiis copulatus, aut concubinam habuerit, non potest esse Episcopus, non Presbyter, aut Diaconus, aut prorsus ex numero eorum, qui ministerio sacro deserviunt. T. 1. concil. illustr. p. 106.* Hic equidem interdicitur concubinitus Clericis sed non Laicis. Quamvis autem constet, canones illos esse supposititios, & seculo demum quinto aut serius fictos, illustrationis tamen gratia eo uti possemus, quod tempore fictionis hujus nondum creditum fuerit, concubinatum in universum esse illicitum, nisi constaret, a multis credi ab hæreticis eos canones esse compositas. Vide Ruelium in *disc. proximali ad illos canones d. Tom. I.* Ergo hoc quidem argumento superledebo.
- e) Cum hic versemur in negativa, probatio a nobis non postulanda, sed ostendendus erit locus ex conciliis concubinatum damnantibus. Deprehendi equidem, postquam hæc scripseram, Gonzalez Tellez ad cap. 6. de *cohab. Cler. & Mul. f. 74.* jam a primis Ecclesiæ seculis putare prohibitum esse in variis conciliis, concubinatum tam laicorum, quam clericorum, atque provocare ad exempla quædam, quæ ipse adduxerit in *concil. Elibert.* Sed quemadmodum in ipso concilio Elibertano nulla talis prohibitio legitur, ita commentarius ille Tellez ad istud concilium non est ad manus, unde non possumus ad illam objectionem distinctius respondere.

## §. XXIII.

An post Novellam in Imperio Oc-

Imo etsi nullum sit dubium, Leonem philosophum adeo primum esse, qui sententiam Augustini de concubinatu pu-



publica lege approbavit; (a) uti tamen non constat, an & quamdium in Imperio orientali ista Novella Leonis observata fuerit, (b) ita quod jus Civile imperii occidentalis attinet, notum est, Leonis Novellas non habere auctoritatem probandi, (c) imo quod jus canonicum concernit, quo hodie utimur, mirandum est, quod in decretalibus Epistolis Pontificum nullus titulus extet de concubinato, (d) ut adeo non sit a vero ab similis sententia Ictorum celeberrimorum, jus, canonicum non prohibere concubinatum. (e)

*cidentalē recepta fuerit, jure Civili vel Canonico, dubitatur.*

a) Per dicta §. 17. 21. 22.

b) Sed confer tamen infra notata ad §. 32. lit. c. n. 4.

c) Quia tempore Leonis Philopphi imperium occidentale jam erat ad Germanos translatum. Postea vero jus Justinianum quidem in Germania fuit suo modo receptum, nunquam Novella Leonis.

d) Non obstat totus titulus de cohabitatione Cleric. & mul. item cap. si concubina ss. de sententia excomm. ubi variae pœnæ Ecclesiasticæ in concubinas & concubinarios constitutæ leguntur. Nam resp. (1) Textus illi non pertinent ad concubinas in genere, sed ad concubinas clericorum in specie. (2) Ratio earum non tam quærenda est in turpitudine concubinitus in se, quam in læsione voti castitatis, quod clerici proferebantur. (3) Neque has tamen constitutiones habuisse effectum, ut patet ex dicendis §. 27.

e) Vide Zieglerum ad Lancell. lib. 4. tit. 8. §. ult. p. 993. Wisfenb. ad cod. tit. de concubin. p. 216. videlicet ob dict. c. 4. & §. dist. 34. Franc. Hotman. de spuris & legitimatione cap. ult. Cont. Havemann. Gamel. synopt. l. 3. tit. 2. §. 5. Etsi enim retulerit sententias Augustini, tamen etiam retulit sententiam Isidori & Concilii Toletani, & Augustinus partim certan. concubinitus speciem admittit c. 6. C. 32. q. 2. partim ratione destituitur. Conf. dicta superius §. 21.

## §. XXIV.

*Licentia concubinitus sub Imperatoribus Germanis.*

Adjuvat vero valde conjecturam de durante licentia concubinitus in Imperio certe occidentali, quod, si evolvas capitularia Regum Franciæ & Imperatorum Germanorum, deprehendas perspicue, concubinatum viri, qui uxorem jam habet, quidem prohibitum legi, (a) sed sub multa pecuniaria, (b) ratione eorum autem, qui uxores non habebant, mansisse quidem differentiam inter uxorem & concubinam, concubinatum & matrimonium, sed saltem quoad perfectionem & honestatis gradum. (c) Ut taceam exempla (d) illustria natorum ex concubinis pro infamibus non habitorum, sed in bonis paternis succedentium. (e)

- a) Capitulare Caroli M. Ludovici Pii colligente Ansegiso l. 6. cap. 230. (apud Baluz. T. 1. p. 962.) *Uxorem habentes nec pellicem nec concubinam habeant.* Idem dicit cap. 433. eod. lib. 6. § lib. 7. cap. 336. Adde *Addit. 2. cap. 23. (d. T. 1. p. 1145.)*
- b) Pipinus Rex Italiæ, in capit. 34. (d. T. 1. p. 540.) concubinatum uxoris prohibuit, sub poena Wergeldi.
- c) Capitulare Ansegisi Lib. 7. cap. 59. (T. 1. p. 1039.) *Nam omnis mulier viro juncta uxor est viri &c. Itaque aliud est uxor, aliud concubina &c. Non est dubium, eam mulierem non pertinere ad matrimonium, in qua docetur, nuptiale non fuisse mysterium (id est sacramentum matrimonii, ut ex Hincmari epistolis perspicue probat Baluz. in notis ad Capitul. Tom. 2. p. 1234.) § capit. statim sequente 60. Non est conjugii duplicatio, quando ancilla relicta uxor adsumitur, sed profectus est honestatis.* Adde capit. 105. d. lib. 7. quod hæcenus excerpta latius repetit & declarat.
- d) Ne nobis objiciatur, exemplis non esse judicandum, sed legibus.
- e) Ita notum est, Pipinum Crassum, majorem domus, sub linea Merovingica præter Plethrudem, conjugem legitimam, in concu-

concubinatu habuisse Alpaidem & ex ea Carolum Martellum genuisse. Ei quamvis Clerus huic concubinati adversaretur, eo tamen non obstante, Carolum hunc Martellum etsi notum Patri successisse. *Vide Lehmann. Chronic. Spirens. lib. 3. cap. 19. & 20.* Ita Arnolphus, Carolomanni, Ludovici Germanici filii, filius, notus, Rex Germaniæ & Imperator factus. Et nullum est dubium, seculo nono, decimo & sequentibus concubinarum virorum & illustrium, in Italia pariter, & Germania, & reliquis Europæ partibus, fuisse exempla non infrequentia, nec uspiam legi, privatis & non uxoris concubinatum, esse prohibitum. Etsi autem Ludovicus *in Capitulari anni 816.* liberos concubinarum regiarum a successione excludat, admonet tamen fratrem seniore, liberis legitimis deficientibus succedentem, ut cum liberis regis ex concubinis natis misericorditer agat.

## §. XXV.

Videmus jam, quamnam fuerit ratio, cur concubinitus *Rationes* non potuerit abrogari illis temporibus, etsi multi pontifices *contra licentiam concubinitus* & Episcopi serio id agerent, ut abrogaretur. Sane nullum est dubium, multas propositiones ut verissimas seculis illis jam fuisse receptas, ex quibus sua sponte fluebat, concubinarum esse statum inhonestum. Nam 1) matrimonium habebatur jam seculo nono & decimo pro sacramento. (a) 2) Ad auctoritatem majorem huic sacramento conciliandam multum conducebat persuasio concubitum omnem non sacramentalem i. e. non cum legitima uxore esse illicitum, imo fornicationis & adulterii speciem. (b) 3) Non habebatur pro matrimonio conventio partium privata, nisi accederet benedictio sacerdotalis publica. (c) 4) Dimissio uxoris contra adulterium credebatur esse contra prohibitionem Christi, etiamsi alias gravissima divortii causa subesset, quæ etiam in  
F  
priori-

prioribus post Christum natum seculis ab Ecclesia fuisset admissa, (d) 5) Cessabant aut cessare credebantur causæ permitti olim concubinatus apud Hebræos & Romanos, quas jam supra hinc inde recensuimus. (e)

a) Vide modo notata *ad thes. præced. li. e.*

b) Ex doctrina videlicet Ambrosii & Augustini *supra §. 16. & 21.* exhibita. A quibus repetit Gratianus *post. cap. 2. C. 6. qu. 1. Fornicationem esse genus omnis concubitus illiciti extra uxorem legitimam.* Sed non magis hanc assertionem juri Hebraico Romano ignoratam ulla ratione probat, ac Augustinus. Adde, quod jam a temporibus Augustini videatur constanter in Ecclesia doctum, & post collectionem Gratiani in seculo 2. etiam communiter creditum esse, adulterium ex jure universali & jussu divino esse, etiam concubitum maritictum soluta (quamvis hæc sententia repugnaret juri Mosaico & Romano) *vid. can. 13. 15. 16. caus. 32. qu. 6.*

c) Vide Hochman. *de bened. sacerdot. cap. 2. §. 29. seq. p. 50. seq.*

d) Vide Selden. *de Uxor. Hebr. lib. 3. cap. 28. seq. ad finem libri.*

e) Scilicet licentiam polygamix apud populum Hebræum & interdictionem nuptiarum apud Romanos cum ancillis, libertis, provincialibus.

## §. XXVI.

*Rationes  
contra licen-  
tiam concu-  
binatus.*

Contra haud dubie obstituerunt alix rationes non minus prægnantes, quæ concubinatus universi abrogationem impedierunt. 1) Concubinatum libidinis causa initium non confundendum esse cum concubinato scortationis evitacionem intendente. (a) 2) Posterioris hujus causas subesse honestas partim intuitu juvenum, (b) partim intuitu viduorum. (c) 3) Doctrinas illas de sacramento matrimonii & conceptu fornicationis, ut bene omnes doctrinas matrimoniales, eo tendere, ut sub

sub prætextu pietatis Laici Clericorum imperio plusquam despotico subjicerentur. (d) 4) Etsi quis in conjunctione cum concubina habeat intentionem eam non derelinquendi, meliorem tamen esse hoc intuitu conditionem ejus, qui concubinam habet, quam qui uxorem, si postea justa causa eam dimittendi oriat. (e) &c.

- a) Qualem hactenus ostendimus fuisse Concubinatum Hebræorum & Romanorum. Quod si dicas sæpe tamen palliari libidinem sub titulo concubinatus, concedam. Sed propter abusum tamen non statim tollitur usus. Palliatur sæpe libido sub specie matrimonii. Sed audi, quid respondeat Augustinus *can. 3. C. 32. q. 2. Quicquid inter se conjugati immodestum, invecundum, sordidum gerunt, vitium est hominum non culpa nuptiarum &c.*
- b) v. g. Si non habeant donum continentæ, & non possint tamen, ob deficientia media sustentandæ uxoris justæ, talem, quæ statui eorum æqualis sit, invenire, ducendo autem vilioris conditionis feminam, vel status sui dignitatem prostituunt, vel etiam spem omnem futuræ promotionis sibi præcludant. &c.
- c) Ne ducendo secundam & tertiam conjugem & multiplicatione liberorum legitimorum, conditionem liberorum primi matrimonii miseram reddant. Huc pertinet exemplum Antonini Imperatoris supra adductum *s. 16. lit. d.*
- d) Meretur dignitas materiz, ut peculiari dissertatione imo integro volumine hæc observatio ad oculum demonstraretur, leges connubiales plerasque a Clero pontificio sub specie pietatis in orbem Christianum noviter introductas, primario ei fini inservisse, ut sub intolerabili jugo Laicos detinerent, ipsi videlicet ab hoc jugo exempti, cum sibi ipsis omnem matrimonii legitimi usum interdixissent. Et si vel istud ex historiis per secula colligeretur, quam tyrannidem sub hoc prætextu in ipsos Reges Christianos exercuerint Pontifices, & quantis astutiis nã fuerint, quicquid voluerint ab illis hoc

medio extorquendi, supplicaret non parvo volumini scribendo materiam sufficientem. Speciminis loco potest esse, quid inter Henricum VIII. Angliæ Regem & Pontificem hac parte gestum fuerit, & quomodo tandem ista tyrannis Papalis aniam dederit, ut Henricus IX. jugum papale exueret.

e) Nam si iusta esset uxor, non poterant secundum traditâ juris canonici aliam ducere; etiam si adultera esset, nisi dispensatione impetrata a Papa quam difficile obtinebant, imprimis privati. At concubinam poterant ex iusta & gravi etiam alia causa, sine precedente impetratione a quovis superiore, repudiare.

## §. XXVII.

*Vera ratio  
concubina-  
tus tam diu  
tolerati la-  
scuria Cleri  
Pontificii.*

Sed hæ rationes quidem, etsi non nullius ponderis, non movebant Pontifices, ut concubinatum, pro potentia, quam in seculo duodecimo & sequentibus sibi jam paraverant, non penitus abrogarent. Retinebat potius eos lascivia propria, & eminens Cleri pene totius Pontificii, cui cum matrimonio omni interdixissent, & tamen donum continentia ipsi concedere non possent, permittendæ erant libidines omnis generis nefandæ, & adeo etiam libidines sub specie concubinatus palliatæ, ita ut clericus ille pro casto haberetur & laudando, qui una saltem concubina contentus esset. Hoc vero præsupposito non tutum videbatur, laicis omnem concubinatum velle interdicare.

Huc pertinet charta Ludovici VI. Regis Galliæ adducta Dufresnio in Glossario sub voce concubina. Ut Clerici ejusdem Ecclesiæ, sicut usque modo vixerunt, permaneant: hoc tamen præcipimus, ut Presbyteri, Diaconi, Subdiaconi nullatenus deinceps uxores concubinas habeant? ceteri vero cujuscunque ordinis Clerici propter fornicationem licentiam habeant, ducendi uxoris (concubinas.) Pergit Dufresnius. Concubinas præ-

*terea*

terea olim toleratas vel non omnino prohibitas, vel denique adeo hunc invaluisse abusum, ut eas tolerari necessum judicarent Pontifices, tametsi subinde variis in conciliis (at in quibus?) damnatus sit, colligere licet ex concilio Vermeriensis anno 712. c. 7. ex Nicolao I. P. P. Epist. 59. & in resp. ad Bulgar. cap. 3. ex Johanne VIII. Epist. 198. Vide Crisconium in Brev. c. 230. 231. adeo ut etiam, cum uxore legitima concubinam habere quodammodo licuerit, quam uxoris appellatione donant capitula Herardi Archiep. Turon. cap. 110. Idem Dufreinius voce Focaria: Praesertim Focaria appellata Presbyterorum & Clericorum concubina, (olim concubinæ militum l. 2. C. de Don. int. V. & XV. l. 3. C. de cond. insert.) Gerardus de Schueren in Vocabul. Focaria: ein buere by den Hert. &c. Pertinet etiam huc ex gravaminibus nationis Germanicæ in comitiis Noriberg. 1523. propositis (gravamen 31. ap Schilter. de libert. Eccles. Germ. l. 7. c. 2. p. 582.) Sæpe numero compertum est, cum consecratis præsertim sacerdotibus per jura canonica legitime uxores sint interdictæ, quod de hinc pudicitiam matronarum, virginum laicorum, scilicet uxorum, filiarum sororum attentant, ac noctu inter diuque sollicitant. Efficiens quoque per assiduum ac indefessum laborem, partim muneribus, donis ac blanditiis, ut complures honestæ alioque virgines & matrone, partim etiam in secretis, quas, vocant, confessionibus, diuturna opera labefuscantur, ad pescata offendiculaque commoveantur, nec raro etiam evenit, ut hi uxores ac filias maritis patribusque detineant & remorentur, minantes interim gladio, aqua, igneque ulturas repetitas uxores. Atque tantorum malorum segetem ex libidine insana contrahunt &c. durasse vero concubinarum clericalium abusum usque ad sæculi decimi sexti initium argumento est scriptum satyricum: De meretricum in suos amatores, & concubinarum in sacerdotes fide quodlibet Heydelbergensis quæstiones salibus & facetiis plena &c. quod a Jacobo Wimpfelingio acceptum Crado Udenheimius scholæ Schlettstadiensis præfectus anno 1501. typis imprimi curavit.

## §. XXVIII.

*Primus in-  
ter Pontifi-  
ces Leo X.  
initio seculi  
6. concubina-  
tum probi-  
buit, astute  
magis quam  
serio.*

Tandem tamen paulo post initium seculi decimi sexti, primus, quod sciam, Leo X. Pontifex in Concilio Lateranensi prohibuit Clero, non libidines concubinato turpiores, sed concubinatum. Videlicet pro astutia, qua pollebat, ut Laicis ora obduraret conquerendi de lascivia Cleri, cum ipsi met non raro sub specie concubinatus libidinem palliarent. Quare & ita prohibitionem illam concubinatus Clericalis direxit, ut verbis quidem gravissimis videretur detestari istum Cleri concubinatum, & serio rem agere in ejus abrogatione, cæterum, si accuratius rem perpendas, id revera egit, ut laicis inde ægre fieret, & Clerici facile totam illam prohibitionem eludere possent.

Extat illa prohibitio in septimo decretalium lib. 5. tit. 16. cap. 2.

Præcessit quidem illam prohibitionem Leonis decretum Concilii Basileensis, relatum a Gonzalez Tellez ad cap. 6. de cohab. cleric. & mulier. p. 74. & 77. sed tantum in admonitione subsistens nullam poenam dictans. Cæterum meretur observatio thesæos nostræ peculiarem dissertationem. Hic saltem rem in summam contrahamus. 1) Docet illud capitulum non obscure, laborasse totum clerum & omnes adeo superiores, etiam Clericos, imo Pontifices ipsos, concubinato valde libidinoso, 2) & tamen jubet Pontifex, Clerum vitio- sum corrigendum esse, non a Laicis, sed a superiore Clero, 3) Quod si hic poenam neglexit, cum coerendum esse a Clero adhuc superiore, & hunc denique ab ipso Papa. Quis hic non videret, astute elidi a Pontifice querelas Laicorum, cum concubiniarius non facile soleat punire concubinarium. 4) Hortatur quidem Laicos, ut a concubinato omni, (etiam non libidinoso,) abstineant, urgens doctrinæ hætenus ab universo populo receptas, (quas in superioribus satis examinavimus) quod omnis fornicatio sit prohibita in sacris litte-  
ris,



ris, & quod Apostolus consilium det, ut qui se continere nolit, uxorem ducat? adeoque concubinatum Laicorum non diserte prohibet, 5) Sed tamen Laicos huic monito non parentes non relinquit puniendos magistratus laico, sed hortatur clerum, ut divini observantiam præcepti canonicis remediis (i. e. excommunicatione) omni studio introducere laborent. 6) Certus adeo erat Pontifex, vel Laici ita ora obduratum iri, ne amplius clamarent adversus cleri concubinatam, vel, si clamare pergant, Clerum per hoc capitulum habiturum mille occasiones ægre faciendi laicis, nullam vero Laicos, Clerum adigendi ad observantiam hujus capituli. Et, nisi me omnia fallunt, hæc etiam genuinus ratio est, cur Laici, in Gravaminibus anno 1533. propositis *ad th. præced.* excerptis, de reliquis libidinibus Cleri quidem graviter conqueſti sint, de concubinato clericali verone hincere quidem fuerint ausi; quod factum non esse, antea valde mirabar.

## §. XXIX.

Quamvis vero haud dubie multi ex Laicis postea sæpius *Postea in or-*  
in conventibus imperii de libidinibus cleri variis conqueſti fue- *dinat. Polit.*  
rint, nihil tamen obtinere potuerunt, quam ut abolitio libidi- *1539. eadem*  
nis Ordinationi Politicæ Augustanæ 1533. sed verbis nimis ge- *prohibito,*  
neralibus, & maxime frigidis, infereretur, quibus tamen et- *sed frigide*  
iam concubinatus notaretur, cæsi ejus diserta mentio non fie- *nimis respo-*  
ret, & verba obscuriora essent, utrum omnis concubinatus *tita.*  
iis esset prohibitus.

Res patet ex verbis dict. Ord. Polit. tit. 33. von leichtfertiger  
Bevöohnung. Dierseit auch viel leichtfertiger Versohnen  
außerhalb von Gott aufgesetzter Ehe zusammen wohnen,  
auch der öffentliche Ehebruch nicht gestraft, sondern gestat-  
tet, dadurch der Allmächtige, nachdem er wieder sein Gött-  
lich Gebot, hoch beleidigt, auch zu vielen Vergessen Ur-  
sach giebt: derothalben ordnen und wollen wir, daß eine jede  
geistlich und weltliche Obrigkeit, der solches ordentlich zu-  
gehö-

gehöret, ein billich Einsehens haben soll, damit solche öffentliche Laster der Gebühr nach ernstlich gestrafft und nicht gedultet werden. Concubinatum hic simul prohiberi docent verba: außershalb von Gott auffgesetzter Ehe. An omnem? dubium ob verba: viel leichtfertiger Personen. Ratio cur ita obscure & generaliter hæc sint posita, facile petenda ex dictis ad §. præced.

## §. XXX.

*Nec initio  
reformationis  
nec concubi-  
natus omnis  
pro turpi  
habitus.*

Sed nec Lutherum & Theologos Wittebergenfes initio reformationis concubinatum omnem pro statu turpi & valde scandaloso habuisse, docent verba consilii a Theologis Wittenbergenfisbus anno 1539. Philippo Landgrafio Hassiæ dati. (a) Ut taceam, quod in consiliis matrimonialibus a Sarcerio paulo post initium reformationis editis, nihil vel certe parum de concubinatu, illo tempore tamen adhuc satis frequente, agatur, nec ille ut prohibitus & turpis noeretur. (b)

- a) Editit hoc consilium Daphneus Arcuarius in der Betrachtung vom heiligen Ehestande. Autores ejus sunt, vel certe ei subscripserunt, præter alios præcipui Martinus Lutherus, Philippus Melancthon, Martinus Bucerus, Antonius Corvinus &c. Extat illud, sed ut apparet, valde mutilatum & emendatum, etiam in Sarcerii Corpore juris matrimonialis f. m. 273. seq. Conf. Michaëlem Siricium de uxore una cap. I. p. 44. Verba ad quæ respicio hæc sunt, ap. Arcuarium p. 237. *Quodsi denique Vestra Celsitudo omnino concluderit, adhuc unam conjugem ducere putamus, id secreto faciendum, uti superius de dispensatione dictum, nempe ut tantum V. Celsit. illi persona, ac paucis personis fidelibus consket Cels. V. animus & conscientia sub sigillo confessionis. Hinc non sequuntur ALICUIUS MOMENTI contradictiones, aut SCANDALA. Nihil enim est iniustitiae, principes CONCUBINAS aliere &c. Jungeudus tamen cum hoc loco erit alius Lutheri locus ex T. 7. Jenens. Germ. fol. 425. Daß ihr Fürsten zum Theil den Holß*  
*Weg*

Weg gehet, da habt ihr leider dahin gebracht mit euren bösen  
 Exempel, daß schier der Baur nicht mehr will für Sünde hal-  
 ten, und habt uns zu thun gemacht, daß wir mit aller Mühe  
 schwerlich den Ehestand sein löblich und ehrlich erhalten, ja  
 wieder anrichten können.

b) Prima editio prodit Anno 1553. secunda auctor anno. 1569.  
 Etiam in secunda editione nihil in toto opere inveni de  
 concubinato, nisi fol. 224. seq. tractatulum non neminis sub  
 rubrica: Ein kurzer Auszug von Ehesachen, aus gemeinen  
 und doch vornehmlich Päpstlichen Rechten in Fragstücke und  
 Antwort gestellet: darinnen zu sehen, daß es die Canonisten  
 auch nicht allezeit so schnurrecht mit den Ehesachen troffen ha-  
 ben. Derhalben kein Wunder: ob noch Leute seyn, die hier-  
 innen etwa straucheln. Quod sic intelligo: Theologi cum  
 temporis passim, nec sine ratione monuerunt, Canonicum  
 jus multa falsa & impia docere, etiam in causis matrimonialibus.  
 Jureconsulti vero, cum non aliam haberent nor-  
 mam pronunciandi, quam jus Civile, & Canonicum, & in  
 materia nuptiarum jus canonicum præ civili esset recep-  
 tum, pergebant pronunciare secundum jus Canonicum.  
 Hoc pacto vero fiebat, ut Principes sæpius consulerent  
 Theologos in causis matrimonialibus. His vero, rejecto  
 jure canonico, sæpe aqua hærebat, unde sumerent funda-  
 mentum novum. Nam Theologia scholastica hic videba-  
 tur æque suspecta, ac Jus Canonicum; Philosophia moralis  
 Aristotelis erat insufficiens; doctrina juris naturalis tum  
 adhuc in puteo latebat: lex Mosaica in universum ob con-  
 cessionem polygamie & divortiorum non poterat esse  
 norma adæquata &c. ergo fluctuabant & variabant in suis  
 responsis & consiliis. Jcti hæc videntes, haud dubie Theo-  
 logis iterum objiciebant, hos esse fructus Juris Canonici re-  
 jecti, & facilius esse normæ imperfectæ novos arguere, quam  
 aliam normam perfectiorem substituere. Huic commati  
 videtur oppositus esse hic tractatulus. Qui, ut ad scopum  
 nostrum revertar, de concubinato fol. 133. b. præter defini-  
 tio.

tionem concubinatus, & annotatam differentiam juris canonici & civilis quoad licentiam concubinatus, ne verbum quidem addit, unde colligere possis, quznam sit Auctoris sententia de hoc licentia.

### §. XXXI.

*Exemplum  
illustre concubina-  
tus  
Hcti, adhuc  
in medio se-  
culi decimi  
sexti.*

Quod vero adhuc post medium seculum decimum sextum creditum fuerit, concubinatum non omnem libidinis esse speciem, sed potius quosdam concubinatus pro fine habere evitationem vagæ libidinis, & scortationis, & quod adhuc initio seculi decimi septimi, liberi ex tali concubinato nati, nec pro infamibus, nec pro vilibus, sed solum inferioris dignitatis a paterna crediti ac ita ad nuptias etiam fœminarum nobilium admissi fuerint, illustri exemplo ex familia Comitum Isenburgensium petito probari poterit.

In controversia inter Ludovicum Landgravium Hassiæ, & Wolfgangum Ernestum, Comitem Isenburgensem, initio seculi 17. publicis scriptis ex utraque parte super alienatione pagorum quorundam agitata, prodiit etiam Francofurti 1619. a parte Comitum Isenburg. Summarischer Bericht dero zwischen &c. Hessen und &c. Isenburg streitigen Alienations-Sache &c. ubi fol. 14. seq. lit. y. legitur etiam dispositio Antonii Comitum Isenburgensis de bonis Concubinæ post mortem ejus reliquendis, cujus verba initialia sunt: Nachdem wir nechst verschiedener Zeit unserer Nothdurfft und Gelegenheit nach mit guten Vorwissen und Bewilligung &c. unserer lieben Söhne &c. die erbahre Catharina Gumpelin als für unsere ehrliche Concubin, zu uns genommen, Gemüths und Meynung, unser Gewissen dadurch zu entledigen, Unzucht zu vermeiden, und vermittelst Göttlicher Gnade einen Gottseeligen Wandel zu führen, und sich dann ermeldte Catharin biß anhero bey uns recht, redlich, wohl und ehrlich gehalten, inmassen sie auch hinführo thun soll und will. &c. Conscripta fuit illa dispositio anno 1559. & ab Antonio Comite & ejus filijs

filiis subscripta ibidem *f. 147. seq.* additur copia Schreibens an die Römische Kaiserliche Majestät der Wetterauischen Correspondenz-Grafen, wider Hans Otten genandt von Ysenburg, desselben angemachten Gräfflichen Titul betreffend: *Ut notabilia sunt hæc verba:* Wasmassen einer Hans Otto von Ysenburg, daher genandt, daß er von &c. Antonio Grafen zu Ysenburg &c. aus einer bey sich eine Zeitlang gehabt Concubin, eines Ysenburgischen Bauren und Leibs angehörigen Tochter erzeugt, unerachtet er &c. die Grafen von Ysenburg &c. in Reden und Schreiben seine gnädige Herrn, in Unterthänigkeit genannt, auch an ihre Liebden Räte und Diener anderer Gestalt nicht als andere der Herrschaft gemeine Unterthanen geschrieben &c. jedoch sich nicht gescheuet vor etlichen wenigen Jahren erstlich sich &c. dem Cammer-Gerichte &c. sich vor einen gebornen Grafen von Ysenburg &c. anzugeben und nunmehr anfangen soll bey des &c. Landgraffen zu Hessen Hoffhaltung und anderswo nicht allein sich selbst, sondern auch, als er neulich an eines von Adel Tochter sich verheyrathet, denselben den Gräfflichen Titul und Prædicat &c. contribuiren und geben zu lassen &c. Scripta autem sunt istæ litteræ Anno 1608.

## XXXII.

Paulo post in Concilio Tridentino 1563. Concubinas iterum prohibitus fuit, (a) & mox anno 1566. Papa Pius V. executori les litteras intuitu concubinariorum publicavit. (b) Circa quæ tempora etiam famigeratissimus JCtus Franciscus Hottomannus, vel primus vel inter primos ex JCtis, qui humanioribus litteris operam dederant, questionem illam: an Christianis concubinas habere liceat, tractavit, ac negativam defendit.

*Paulo post concubinitas in Concilio Tridentino prohibetur, & a Francisco Hottomanno oppugnatur.*

- a) Vide Petri Suavis *Historiam Concilii Tridentini lib. 8. p. 708.*  
 & Sfortæ Pallavicini *Historiam ejusdem Concilii lib. 23. cap. 8. fol. 275.* qui verba decreti integra posuit. Adjiciamus

mus saltem id in summam contrarium ex Petro Suavi. *Contra concubenarios* (tam solutos quam uxoratos) *statuere, ut si ter admoniti concubinas non egerint, excommunicentur. Quodsi per annum in concubinato permanserint, contra eos ab ordinario severe procedatur. Concubine si ter admonite non paruerint, graviter puniantur, & extra oppidum vel diocesim, si id ejusdem ordinarii videbitur, invocato, si opus fuerit, brachio seculari, ejiciantur. Neque tamen premium hujus decreti omittendum, uti refert Pallavicinus. Grave peccatum est, homines solutos concubinas habere, gravissimum vero & in hujus magni sacramenti singularem contemptum admissum, uxoratos quoque in hoc damnationis statu vivere, ac audere, eos quandoque domi, etiam cum uxoribus, alere & retinere. Porro notat Petrus Suavis p. 714. Ordinationem contra concubenarios per annum in excommunicatione perseverantes improbant, (Galli) ut ab Ecclesiasticis puniantur. Nam penarum ecclesiasticarum extremam, ultimam & maximam, secundum doctrinam omnium Patrum, esse excommunicationem. Itaque illam transgredi velle esse, in potestatem temporalem invadere, tantoque magis, quod ipsi facultatem sibi arrogant, concubinas e civitatibus ejiciendi secularem potestatem ludum facientes illa clausula invocato, si opus fuerit, brachio seculari, quod perinde est, ac si affirmetur, via ordinaria Ecclesiasticos exterminium istud concubinarum exequi posse. Huic observationi in se justissimæ, quod opponeret Pallavicinus in fine cap. 9. p. 279. nihil habuit, præter exemplum magis dubii juris, ab inquisitorum Ecclesiasticorum potestate desumptum, de eo quid sentiendum sit facile patebit ex dissertatione Dn. Præsid. de origine processus inquisitoris §. 48. ad §. 55.*

- b) Vid. septimum Decretalium lib. 5. tit. 16. cap. 2. ubi postquam Papa crimen sodomiticum tam in Clericis quam Laicis severe vindicandum jusserat, subjungit. *Monemus propterea omnes locorum ordinarios & in veritate sancta obedientia eis precipimus, ut statuta Tridentini Concilii contra*

*concubinarios tam clericos, quam laicos, edicta distincte faciunt observari, reddituri Deo, ac nobis, si id omiserint, rationem.* Cur hoc monitorio, vel excitatorio opus fuerit, facile patebit, si repetas jam superius annotata ad §. 28.

- c) *De spuris & legitimatione. cap. ult.* Rationibus illis utitur: 1) quod Paulus leges Ecclesiis describens statuatur, ut quisque fornicationis causa uxorem ducat, & 2) quoties de maris & foeminae conjunctione praecepta det, diserte maritos & uxores nominet: 3) quod Leo, prohibens concubinatum, praecleara illa ratione utatur, de qua lutulenta non quaerenda, cum eam e fonte ipso haurire possis: 4) quod ejus exemplum secutus Constantinus Porphyrogeneta constituerit, ut apud Christianos nullum discrimen inter concubinatum & fornicationem putaretur, teste Harmenop. *lib. 4. c. 7.* Ceterum an rationes istae Hottomanni sint sufficientes, patebit ex notatis supra ad §. 17. *lit. e.* Constat autem, Franciscum Hottomannum mortuum esse anno 1590. quo anno vero istum tractatum scripserit, non constat. Ante concilium Tridentinum id factum esse verosimile est, quod ejus non mentionem faciat Hottomannus.

### §. XXXIII.

Postea etiam in ordinat. Politica Francos. anno 1577. *Et in ordinat. polit. Fr. 1577. prohibi-* renovata, eadem, quae supra retulimus, de concubinatu *titio repetita.* repetuntur.

In tit. 26. von leichtfertiger Beywohnung. Eadem hic sunt verba, quae jam supra ad §. 29. ex ordin. polit. 1533. retulimus, nisi quod verbo: auch der öffentliche Ehebruch eousque ad verba: Ursach giebt, hic sint omissa, & ratione adulterorum ac lenocinii peculiaris & distinctior poena in dict. tit. 26. peculiaribus paragraphis sit sancita.

### §. XXXIV.

Et ab illo tempore Theologi pariter & Jcti Lutherani constanter responderunt, concubinatum, etiam unius cum una, etiam non uxorati cum soluta, non esse *Ab illo tempore concubinitus apud nos illicitus.*

esse permittendum, tantum abest, ut iterum in rempublicam Christianam introducatur.

Vide Consilia Wittenbergensia *Part. 4. f. 23. seq.* Consilia Dede-  
kenni Volum. III. *lib. 1. Sect. 3. af. 34. ad f. 41.* Koenig. *Cas. con-*  
*scient. cap. 6. de sacra cana casu 13.* Carpzov. *Jurispr. Confist. lib.*  
*2. def. 237.*

### §. XXXV.

*Ufus disser-*  
*tationis pra-*  
*sentit.*

Sed cui usui, inquis, hæc omnia ? sufficit studioso juris, ut sciat, concubinatum esse illicitum & apud nos prohibitum. Verum facilis est responsio. Interest studiosi juris & multo magis JCti, ne Rabulæ fiat aut Legulejus, (a) ut genuinas Legum rationes indaget, a spuriis aut minus solidis secernat. (b) Interest JCti, ut tandem aliquando confusissima doctrina de matrimonio a confusione illa libere-  
tur. (c) Interest JCti, ut in quæstione, an in Republica Christiana tolerari possit, aut iterum introduci debeat concubinatus unius cum una, rejectis insufficientibus rationibus, hactenus tantum non ubique adductis, (d) alias genuinas & evidentes substituat. (e) Interest cujuslibet Christiani sana ratione utentis, (f) ne dissidentes, (g) aut etiam alterius populi res judicata, (h) vel mores a nostris intuitu concubinarus discrepantes, (i) ausu Pedantico, ex ratio-  
nibus, sub quibus latent arcana politica Cleri papalis, ut im-  
pii & profani, vel fucata pietatis suspiriis, (k) vel affecta-  
to imperio magistratus civilis, tanquam pro tribunali con-  
demnentur. Alios usus ut jam taceam.

a) Rabulæ de sola praxi sunt solliciti, rationes legum & praxeos non curant. Legulejii rationes legum crepant, & rationes rationum, quas videlicet sine judicio ex aliis autoribus col-  
legerunt, non curantes, utrum rationes quid in recessu ha-  
beant, modo autoritate aliorum sint roboratæ.

b) JCti



- b) Jcti officium est, interpretari leges, easque applicare ad negotia in societate civili obvenientia. Inter primaria media genuinæ interpretationis est præcipuum, ratio legis, sive de interpretatione declarativa, sive de extensiva, sive de restrictiva sermo sit. Falsa supposita ratione legis, inanis etiam necesse est ut sequatur applicatio.
- c) Confusissimam esse doctrinam de matrimonio etiam apud protestantes, jam alibi docuit Dn. Præses *de pactis futurorum sponsaliorum* th. 1.
- d) Scilicet ubique utramque fere paginam faciunt, omnem concubitus extra matrimonium esse scortationem, concubinatum olim quidem non fuisse actum libidinofum, sed hodie esse meram scortationem, & similes. De quibus, uti hæcenus passim mentem nostram aperuimus, ita tandem aliquando pudore suffundi deberent eruditi inter Protestantes, pro rationibus istis tanquam si articuli fidei essent, pugnantes, postquam ex ipsis pontificiis doctoribus cordatiores eorum imbecillitatem vel agnoscunt diserte, vel certe non obscure in sola autoritate ecclesiæ hic refugium quærunt. Exemplo sit Gonzalez Tellez, qui *ad cap. 6. de cobab. Cler. & mul. & ad cap. 20. de sponsal.* utrobique id agit, ut concubinatus turpitudinem doceat, & tamen *add. cap. 6. f. 72.* fatetur, rationem, quod nulla sit legitima conjunctio extra matrimonium, petere principium, & alteram, quod in concubinato non sit votum procreandorum liberorum, sed explendæ libidinis, nisi sola confessione Augustini, qui in libris confessionum de suo concubinato ante baptismum id confiteatur, & *f. 74.* pariter fatetur, quod jure divino concubinatus sit prohibitus, sibi non tam persuaderi per auctoritates Jureconsultorum aut Canonistarum *ibid.* citatorum, quam propter auctoritatem Concilii Basileensis, quod expresse hoc asserat. Concubinatum ad fornicationem jure divino prohibitam, pertinere &c. Pariter & *ad d. cap. 20. f. 45.* ad auctoritatem S. S. Patrum & Concilii Tridentini provocat.

e) Ostendamus saltem per indicem præcipuas. 1) Non omnia apud omnes esse honesta vel turpia, & quemlibet bonum civem debere sequi mores sui populi: hinc, quamvis apud Hebræos & Romanos concubinatus fuerit licitus & honestus, cessantibus tamen apud nos rationibus status Hebraici & Romani, posse eum apud nos etiam esse inhonestum & turpem. Conf. ad illustrationem hujus rationis ea, quæ disservit Dn. Præses *de potest. Legisl. stat. imp. contr. jus comm. §. 33. seq.* 2) Concubinatum ad matrimonium relatum etsi non sit scortatio, tamen esse statum imperfectiorem matrimonio, secundum mores omnium gentium, nec apud ulla gentes dubium esse, quin sæpe vagæ libidinis studium sub concubinato pallietur. 3) Nullum ostendi posse vel verosimilem rationem, cur in Republica Christiana iterum post abrogationem debeat introduci concubinatus. Non favorem juvenum, cito nimis de conjunctione cum sexu foemineo cogitantium, qui v. g. in scholis vel Academicis nupturiunt antequam ad personam patris familias decore sustinendam sint apti. Non favorem adulterum aut viduorum, eo prætextu utentium, se esse impares ad sustinenda onera matrimonii pro dignitate justæ uxoris, aut se nolle liberis prioris matrimonii novercam superinducere. Nam his apud nos hodie consultum est per matrimonium ad morganaticam, quod a concubinato Romanorum, aut eo, cujus *supra §. 17.* mentionem fecimus, saltem in eo differt, quod hic accedat benedictio sacerdotalis, & libertas dimittendi talem uxorem sit adempta. Vel etiam; si viri non sint in dignitate illustri constituti, adeoque horum intuitu non sit receptum matrimonium ad morganaticam, his tamen non difficile erit invenire uxores, quæ non desiderent sustentationem, eorum patrimonium excedentem. Adde, quod plerumque ab iis, qui libertatem repudiandi concubinam pro lubitu, tanquam favorem insignem æstimant, concubinatus pro pallianda vaga libidine appetatur, qui adeo parum digni sunt, ut iis leges succurrant. &c.

f) Nam

- i) Nam & id inter arcana politica Papatus est referendum, quod suadeant, in calibus conscientie vel interpretandis sacris literis, abjiciendam esse rectam rationem, & solam vel precipuam fiduciam in autoritate esse ponendam.
- g) V. g. qui statuunt, concubinatum in se spectatum & circa abusum non repugnare juri naturæ. Conf. supra dicta *ad* §. 3. *lit. b.* Schilter. *manud. ad philos. moral. cap. 4. §. 39. & cap. 6. §. 18.* Plures ex Glossatoribus, qui agnoverunt, concubinatum non repugnare juri naturæ, citat. (quamvis dissentiens) Gonzalez Tellez *ad. d. cap. 6. d. cohab. cleric. & mul. tom. 3. p. 74.*
- h) Ita Annius Robertus refert *reg. judic. lib. 2. cap. 14.* In Gallia 1584. judicatum esse, donationem vel omnium vel maxime partis bonorum a patre vivo filio ex concubina nato factam, valere. Idem *ibid. cap. 17.* ostendit anno 1592. judicatum esse, filiam ex matre genitam, quam pater justo matrimonio per benedictionem sacerdotalem non consummato sibi junxerat, sed saltem apud acta sæpius testatus fuerat quod eam pro uxore legitima habuerit nec alia conditione cum ea rem habuerit, esse filiam legitimam. Utrobique multa immiscentur, quæ hætenus a nobis deducta non parum illustrabunt,
- i) Ita jofe Gonzalez Tellez *ad cap. 29. de sponsal. T. 4. f. 48.* refert, in Hispania modo concubinatum Laicorum fuisse permiffum, modo prohibitum. Ita Brückner. *decif. matrim. cap. 13. n. 16.* ex Caccialupo narrat, quod in partibus orientalibus Christiani existentes inter Saracenos, cum non possint, nisi cum periculo vitæ, coire cum mulieribus Saracenis, contrahant matrimonium cum Christianis mulieribus, ibi existentibus, coram Consule Venetorum ibi existente, ita, ut vir det mulieri certam dotem parvam, & ut possit illam licite retinere in illis partibus, donec ipsi placeat, & ad libitum repudiare, dummodo mulieri dicta dos remaneat. Tale matrimonium temporale nihil aliud est quam concubina-

binatus. Ita ex communi errore Jus Justinianicum notari solet ob permiffum concubinatum, & ab ejus admiratoribus quibusdam misere defendi, quasi non permiserit, sed toleraverit.

k) Ita Huberus refert *ad L. Jul. de adulteriis §. 4.* talia suspicia, querelas & obtestationes adversus magistratum, adulteras nonnisi multa pecuniaria, non vero poena capitali punire volentem.



**FINIS.**

